

正法念處經

五十六

競

C40
4514
85



6 7 8 9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1

C 40-4614

了翁上座請大藏及有
家書置於武州繁雲山
我微笑塔院庭府中永
為學者不敢許出院內
當山三世鐵牛機謹誌



B 64853

正法念處經卷第五十六

元魏契羅門瞿曇般若流支譯

觀天品第六之三十五

夜摩天之二十一

復次比丘知業果報觀夜摩天所住之地彼以聞慧
或以天眼見夜摩天復有地處名曰常樂衆生何業
而生彼地彼見若人不殺不盜如前所說常離羣好
乃至見畫女像不念欲想于彼畫女不生勝相見畫
女時不生念想似其女人心亦不生可愛之想不如
是觀不以欲心觀畫女像心不迷惑心依正法以正
念故捨離欲心遠避女人自毀其身既自思念不衰

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

姪已心生歡喜未生欲心常作方便令使不生勸衰
 姮者令住正道爲說欲過不可愛樂若能如是捨離
 衰姪則是第一清淨身業正見不貪身壞命終生于
 善道天世界中在夜摩天常樂之地彼在中陰乃至
 天處皆因善業五根受樂色聲香味觸皆悉具足次
 第生天于彼天中三處化生一者生于蓮華臺中二
 者生于拘槃羅邪鬚中三者生于曼陀羅華若干拘
 懿羅邪鬚中生者光明及色亦如其華或赤或青或
 種種色七寶莊嚴亦如拘槃羅邪之鬚云何七寶雜
 色莊嚴青毗瑠璃以爲其鬚目暎眼瞞皆亦如是銀

色爪甲赤白紅色齒如真珠其身猶如閻浮檀金臍
 下毛色如因陀寶自餘身分處處雜色心之畫師如
 畫所作若在蓮華臺中生者色亦如是如閻浮檀真
 金之色髮青寶色脣下毛色如赤蓮華寶或碑磲色其
 甲猶如蓮華寶色脣下毛色如紺碑磲惟說少分若
 于曼陀羅華中生者其身衣服有種種色在中生故
 還似其色謂相似者如現見法隨何色艸其中生物
 所生之物卽同其色在中生故相類亦然隨其生處
 卽同其色亦復如是以在華故一切相似天子生已
 常具衆樂不斷不絕常受天樂不可譬諭于彼樂中

但說少分譬如海中一滴之水此所說樂亦復如是若干人中作善業者聞此天樂心則精勤何以故知業果故望此樂報勤修善業如爲解脫勤精進者爲破有中無量苦故破壞愛毒彼見有中無有少樂以是因緣說善業果此說天樂不爲有果爾時天子旣生此天常樂地處常于其中五欲功德游戲受樂百千天女歌詠讚歎而供養之于園林中蓮華河池在如是處種種歌舞共相娛樂不相妨礙自業受樂在園林處平地山峯蓮華林中常受天樂時諸天子爲天女衆之所圍繞于一處一一園林一一可愛游

戲之處。一一七寶山峯之中受天欲變不知獸足見諸可憐妙蓮華池聞妙音聲食天上味服于細軟上妙天衣所變之香久受五欲共相愛樂。亦時有鳥名曰覺時。爲于放逸諸天衆故以偈頌曰

于三有聚中一切皆當死愚者于生死不能生狀離
一切必有死皆當勤方便死怨既來至無有能救者
能斷一切樂能加眾苦惱離別一切愛是故名爲死
能與衆生畏能與大苦惱能令意迷惑是故名爲死
能斷保命心能破壞諸根衆生不能救是故名爲死
衆生不能壞諸業不能勝令衆生失壞是故名爲死

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

衆生皆悉有決定能殺害能令愛別離是故名爲死。天夜叉樂神鬼龍羅刹等時輪皆能殺是故名爲死。惱亂難調伏于一切如火堅強不可避是故名爲死。能壞于陰入命氣及心意時法大勢力是故名爲死。其行甚迅速破壞諸衆生當勤修福業勿得行放逸。此覺時鳥爲放逸天說于死法決定無疑時諸天衆以放逸故雖聞此法不生厭離諸根自體性輕動故受樂多者諸根輕動則亦難伏以樂勝故諸根輕動不可調伏以此因緣此諸天衆雖聞真實堅固利益然于此義不覺不知設有覺知愛毒所害雖覺不受

以此因緣雖聞實語利益真語而不攝受不受法故初著美境受諸欲樂五樂音聲嬉笑歌舞種種遊戲于園林中蓮華池處共諸天女以善業故在于無量七寶莊嚴可愛山峯常受快樂不斷不絕一切天欲功德具足共相娛樂種種珍寶莊嚴之地常受快樂如是遊戲種種受樂次第游行到于廣池其池縱廣一百由旬有一蓮華其華柔軟七寶間錯毗瑠璃莖金剛爲鬚其華開敷偏覆大池此諸天衆本未曾見既見此華生希有心今此天中甚爲可愛所見之處皆可愛樂諸天見之百倍歡喜迭互相示皆共瞻仰

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5

圍繞一面共行游戲心生歡喜觀此蓮華一切皆生
 希有之心其相謂言汝觀汝觀可憐蓮華昔所未見
 有大光明多有無量七寶衆蜂莊嚴如是大寶蓮華
 此大蓮華徧覆大池周帯繞華少分見水于廣池岸
 真珠間錯青因陀寶赤蓮華寶白銀色寶間錯莊嚴
 大蓮華臺高五由旬廣十由旬隨天所念善業力故
 于天游戲受樂之時隨天心念若大若小如天心念
 于大池內蓮華之中皆悉具足是故此池名隨念池
 其華名爲隨念蓮華如是二事同名隨念尔時天衆
 初始見時心生歡喜足一百倍以善業故在彼池岸

歌舞戲笑五樂音聲一切共受如是天樂時諸天衆
 既游戲已復飲諸天上味之酒離于醉過既飲上味
 受樂功德如意念即得如意念香如意念色如意念味
 如其億念種種寶器于彼池中卽有寶器上味充滿
 從池而出美妙天酒從池流出此諸天衆飲斯上味
 飲上味已復向異處游戲而行見蘇陀聚色香味觸
 皆悉具足意欲食之歡喜往趣既至食所皆共食之
 或以手食或用寶器如業相似食須陀已隨其來處
 還向廣池彼此迭共生歡喜心天衆圍繞五樂音聲
 歌舞喜笑游戲而行到廣池中見大蓮華光明殊勝

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

過百千日彼一切天妙寶光明于華光明十六分中不及其一。尔時天眾見大蓮華心極歡喜天眾圍繞五樂音聲歌舞游戲圍繞大池皆共循行。如是如是隨其繞池周徧循行復見池中希有之事于華池上多有種種可愛妙色七寶眾蜂雄雌娛樂而受快樂共飲華汁華汁美味不可譬喻並飲華汁以偈頌曰若作種種業則生種種果種種受生者以業種種故心雜故種種造種種依處種種業盡故不久則失壞此所受天樂不可具足說無常力自在不久須臾至樂如水泡沫如陽燄非水諸樂亦如是。一切必破壞

極惡不可遮衆生皆怖畏死王將欲至其力不可壞破壞一切樂及斷于命根業鎖所繫縛將至于餘世若樂已過去是樂不可念若樂在未來亦不名爲樂若樂住現在與愛境眾雜無常所遷動一切皆破壞若樂屬三界智者所不讚云何諸天眾愛樂如是樂此身不久停死火必來至能燒滅一切如火焚乾薪諸樂速遷滅莫行于放逸勿于臨終時而生于悔心無量百千生業樂皆已過如夢至何所如風念不住愚者樂無狀如火得乾薪是故所著樂則非爲常樂解脫渴愛者能離于欲過修禪不放逸得無垢淨樂

6 7 8 9 10 12 3 4 5 6 7 8 9 20 1 2 3 4 5 6 7 8 9 30 1 2 3 4 5

得如是樂者乃可名爲樂諸有雖名樂猶如雜毒蜜
如是著樂者心恒求欲樂欲樂非常樂是故非宗靜
如是衆蜂以善業故爲諸天衆說如此偈時諸天衆
雖聞此法而不攝受復觀此池心生愛樂共諸天女
游戲歌舞處處徧觀久于此處游戲受樂復欲觀彼
池中蓮華輕便四大自在力故業勢力故蓮華池中
自在游行或有天衆入華葉中游戲受樂或有入于
種種妙寶間錯華臺共諸天女而受快樂于華臺中
隨心所念昇華葉上時蓮華葉如是如是轉更增長
以善業故蓮華增長二百由旬三百由旬乃至千由

旬以天善業意念力故臺亦如是漸更增長二百由
旬其大蓮華光明亦漸更增長尔時天衆各各在
于餘華葉中共天女衆游戲受樂此諸天衆既上華
葉葉即增長尔時天衆游戲受樂作如是念我今于
此游戲止住應生酒河及蘇陀食卽于念時蓮華葉
中卽生酒河及蘇陀食皆悉具足復作是念我今飲
酒食蘇陀味卽共天女飲于天酒食蘇陀味尔時天
衆久受樂已復作是念我于此處止住游戲此華葉
中應生園林以善業故隨其所念卽生園林七寶雜
樹有種種鳥種種音聲寶樹蔭覆猶如宮室華果具

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5

足所念華果隨時皆得有種種河泉池流水勝妙可
愛種種妙聲寶鉢地處多有妙華色香相類皆悉可
愛華有三種所謂青色優鉢羅華拘物陀華菴摩羅
那華蘇支羅華香葉華離泥華具足欲華羅娑羅華
君茶羅華有如是等水生之華于華光中多有眾蜂
如是等華隨念雜色有青寶色周徧皆生如是天華
莊嚴其林復于陸地生種種華其華種種色類相類
甚可愛樂生此林中彼諸天衆住在如是蓮華葉中
所謂樂光明華天子天女喚之卽來復有一華名曰
見樂復有一華名種種色歡喜開敷柔軟葉華一切

光明勝莊嚴華朱多藍華無狀足華億念樂華有如
是等陸生之華隨天念時一切現前于樹林中復有
諸華所謂曼陀羅華與喜樂華香觸愛華香味可愛
華哎多羅華五葉之華龍林舌華遮株羅華林蔓之
華須摩那華光明之華聞香飽華一切愛華山蔓之
華山峯蔓華如是等華有生樹下有生榛林此諸天
等蓮華中住游戲之時善業力故生此諸華尔時天
衆共諸天女住蓮華林游戲華葉受種種樂彼大蓮
華隨念廣池勢力如是時諸天衆蓮華葉中作是思
惟今于此處應有衆山種種寶峯從此出生光明具

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

足種種鳥衆種種妙聲。在山峯中巖窟河池平處險
岸寶鈿之地如是等處我應遊戲復作是念我今住
此大蓮華葉此處若有巖窟河池平地流泉我當于
中遊戲受樂善業力故卽于念時多有園林華池山
峯巖窟平頂皆可愛樂七寶光明而爲莊嚴種種樹
枝甚可愛樂見之心樂過一百山天華果樹枝條蔭
覆猶如宮室甚可愛樂百千寶窟生在山中以爲莊
嚴時諸天衆離蓮華葉與千天女而自圍繞上妙天
華色香觸等皆悉具足無有萎變莊嚴天女美妙歌
聲音曲齊等聞者心樂如天所應五欲具足安詳徐

步而昇大山顧目徧觀時諸天衆遊戲受樂汎于食
河飲于流味旣食無量諸飲食已卽于河邊取曼陀
羅華俱施邪舍華莊嚴其身復嚴天女歌舞遊戲于
五欲中久受樂已于可愛境界受諸欲樂不知厭足
愛河所漂復向廣池大蓮華中此諸天衆或百或千
諸天女衆而爲圍繞種種莊嚴到于大池各至所住
蓮華葉中各各遊戲受于可愛勝妙之樂如印所印
各如自業受相似樂尔時天衆復作是念此處應有
種種山谷種種衆鳥種種色類行食相類見之心樂
七寶之身出妙音聲一切處行皆無障礙或在水中

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

或在陸地或行空中而無疲倦若有此鳥來至此處
 我當棄之行虛空中與諸天女游戲空中下觀常樂
 地處諸天歡娛受樂徧觀營已共諸天女復受勝樂
 時諸天衆作是念時有種種山種種山谷
 種種山窟種種樹林種種鳥衆善業力故隨念卽來
 種種相類種種莊嚴種種勝妙跋求之聲種種七寶
 雜色衆鳥天女見之一切皆生希有之心其音美妙
 徒滿虛空皆來向此蓮華葉中天游戲處徧覆虛空
 尔時天衆及諸天女旣見彼鳥心轉歡喜以歡喜故
 共天女衆欲昇虛空尔時諸鳥知天所念來近天衆

時諸天子共諸天女昇于鳥上鳥卽飛行徧于虛空
 手執笙箎歌衆妙音笙笛鼓吹甚可愛樂聞之心樂
 復觀自地天衆受諸欲樂喜愛著心不念退沒以善
 業故惟受天樂尔時有鳥名曰實語爲調放逸諸天
 衆故以偈頌曰

暴風鳥隼飛其行甚速疾一切衆生命速疾過于此
 風行或迴旋鳥去時有返命相旣壞已則無有還期
 以業速盡故速到于死時必定離天處患者不覺知
 大力不可遮極惡憎衆生死王甚勇健必定須臾至
 天多行放逸爲樂之所誑不覺必當得無量大苦惱

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

經

正法念處經卷五十一

十一

第六

一切法無常畢定當破壞諸有法如是是最可怖畏老能壞壯色死能喪身命敗壞破資具相對治如是于如是大惡衰惱大怖畏汝猶行放逸是名無心人若畏未來世則名有智眼若與此相違是爲大愚癡一切心所誑令意皆迷亂業盡則失壞如油盡燈滅無量境界樂此樂皆無常本作業盡故必當歸摩滅是實語鳥以善業力爲令諸天心調伏故說如是偈時諸天衆以放逸故愚癡不覺心不信解亦不攝受復觀如是常樂地處可處山谷河泉流水華池園林一一華林山峯溪谷天衆充満遊戲空中聞諸歌音

偏清虛空時諸天衆復見異處衆多天子及天女衆在華池岸飲天上味于如意樹五樂音聲而受快樂復行異處見有宮殿在于虛空天子天女天曼莊嚴天之五欲皆悉具足遊戲受樂見二天衆合爲一會在虛空中遊戲受樂集于七寶莊嚴之鳥那羅林天住于宮殿此二天衆一切和合在虛空中共相娛樂于虛空中久遊戲已復昇山峯久于山峯遊戲受樂復向廣池念華而去或有乘鳥滿虛空中騰躍而行歌天妙音是諸天衆念勝樂故復向廣池既到池已從鳥而下入于廣池蓮華葉中如前所說種種遊戲

6 7 8 9 10 1 2 3 4 5 6 7 8 9 30 1 2 3 4 5

而受快樂。爾時天衆在于廣池大蓮華中久受樂已復作是念。今我此處應生枝葉蔭覆宮室。俱翅羅聲種種妙寶。華林莊嚴種種寶色。枝葉蔭覆以爲宮室。我當于中游戲受樂。以善業故卽于念時種種妙寶光明莊嚴第一妙華色香具足以覆其上。所謂白銀毗瑠璃寶。大青寶王赤蓮華寶玻瓈色寶如是乃至金色寶等微妙第一。見之悅樂。如是種種衆寶枝葉蔭覆宮室。善業力故隨念而生。爾時天衆見此枝葉蔭覆宮室心生歡喜入此宮室歡娛受樂。一切天女而爲圍繞。天衣天鬟。莊嚴其身。一切天欲皆悉具足。

其心和順不相妨礙離于嫉妒鬪諍瞋恚而受樂行以善業故受此天樂五樂音聲一切齊等。于枝葉蔭覆宮室之中。共諸天女而受欲樂心無厭足。愛毒所燒受五欲樂不知厭足不可譬喻。枝葉蔭覆宮室之中受天勝樂染樂成就。如是枝葉蔭覆宮室衆寶所成毗瑠璃樹真金爲葉赤蓮華寶以爲其果。青因陀寶以爲其枝。或白銀葉玻瓈爲果。或青寶葉蓮華爲果。或雜寶葉雜寶爲果。或真金葉白銀爲果。金葉金果亦復如是。種種枝葉蔭覆宮室以善業故隨天所念皆悉具足。爾時天子共諸天女心生歡喜入于枝

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

葉蔭覆宮室晏然而住。共衆天女游戲受于種種之樂。如魚處水不知厭足。于此枝葉蔭覆宮室生希有心。在宮室中嬉戲歌詎娛樂受樂既受樂已復作是念。我今此處枝葉蔭覆宮室之内。應生第一色香味觸。天之上味從葉流出。共天女衆飲之快樂以善業。故卽于念時天上味飲色香味觸最爲第一。從葉流出。共諸天女飲之受樂心不知足以愛欲心久時歌舞游戲受樂以放逸地不知厭足復作是念。今我此時游戲受樂渴愛境界不知厭足復作是念。今我此處華葉之中應生第一須陀之味具香味觸以善業。

故卽心念時第一須陀具香味觸從葉中出。出已食之時諸天衆久受樂已復作是念。今我此處寶樹枝中應生寶珠瓔珞莊嚴勝妙天冠光明具足臂莊嚴等諸天種種嚴飾之具光明莊嚴從樹枝出作是念時善業力故出生種種天莊嚴具光明嚴飾。尔時天衆著莊嚴具久受天樂不知厭足。共諸天女受五欲樂不知厭足雖久受樂于境界中轉增渴愛以心不定復生異念。今于此處應有香風來吹樹葉互相振觸出妙音聲勝于歌舞作是念時以善業故種種香風吹動樹葉互相振觸出妙音聲天女歌舞十六分

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

中不及其一時彼天衆共諸天女歌舞遊戲久時受樂猶不知足尔時天衆復作是念我今于此所住之處應生種種七寶雜色莊嚴宮殿一切天欲皆悉具足隨念出生如是生已于此廣池周市普偏在虛空中共諸天女歌舞遊戲喜笑受樂作是念時卽有種種七寶宮殿雜色莊嚴真珠瓔珞以爲莊嚴其殿四面種種衆寶勝妙欄楯觀之可愛其欄楯上或有鵝鳥或有孔雀或命命鳥種種衆鳥住在其上處處皆有衆鳥止住如心所愛種種衆鳥而現其前天衆見已共諸天女昇此宮殿遊戲歌舞一切皆往向廣大

池在宮殿中下觀大池見諸蓮華生希有心此大蓮華種種寶葉種種光明種種妙色以爲莊嚴所謂金剛青因陀寶赤蓮華寶毗瑠璃寶大青寶玉金光明葉見之愛樂時諸天衆在于虛空宮殿之中復有餘天在于廣大蓮華葉中共諸天女歌舞遊戲互相娛樂或有在于虛空宮殿或有在于大蓮華葉是諸天衆作無量種不可譬諭游戲受樂如是種種遊戲歌舞其聲徧滿五百由旬五欲功德皆悉具足五樂音聲受無量樂目作勝業所集業盡猶不覺知善業將盡退時欲至行于異處當生何道受何等苦受何等

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

樂善不善業今當將我至何等處示我何道爲在地
獄爲在餓鬼爲在畜生爲在人中爲生畏處爲不畏
處以沒放逸黑闇中故子如是等不覺不知若至覺
時善業已盡無常大風吹令墜墮如是天衆多行放
逸如怨詐親非實利益詐爲利益善業旣盡將受異
果余時乃覺作如是念我作不善多行放逸如是終
時余乃覺知以多習行此放逸怨不生畏難復于華
池游戲歌舞善業力故極生愛樂而復樂觀蓮華葉
中游戲諸天及住虛空宮殿天眾彼此和合而共受
樂余時有鳥名水波輪以善業力爲于放逸諸天衆
故以偈頌曰

衆生命不住猶如水濤波無堅如水沫而天不覺知
若無風吹鼓水沫或久住無常天福盡速滅不久停
譬如燈油盡光明亦皆無業盡亦如是天樂則隨滅
無有所作業而不失壞者如是諸衆生愚癡不覺知
凡諸有生類有生必歸滅一切有爲法皆亦復如是
衆生自業故流轉于生死云何此世間放逸所破壞
放逸失善法放逸爲堅縛以其放逸故退墮于地獄
苦有一因緣謂從放逸生是故求樂者應離放逸行
若離放逸者則得不死處以不放逸行則近于涅槃

6 7 8 9 10 1 2 3 4 5 6 7 8 9 30 1 2 3 4 5

以不放逸故得至涅槃處是故智者身放逸爲苦因
一切放逸者猶如狂病人現爲他所輕死則入惡道
一切放逸者于業果報中及以生死處無不顛倒行
放逸火熾然燒地獄衆生若欲脫地獄當離放逸行
若欲離放逸當樂修智慧則脫煩惱縛常得安樂處
五根生三垢心流轉三界已離放逸者說放逸如是
放逸藏甚苦不放逸藏樂是故求樂者應離放逸行
如是水波輪鳥爲彼天衆捨離放逸善調伏故說如
是偈時諸天衆以放逸故于如是等真語實語雖聞
此法不能聽受復于虛空廣池之內蓮華葉中共相

娛樂遊戲受樂作天妓樂天妙音聲及餘境界堅著
色聲香味觸等不知厭足如飲鹹水雖復數飲不能
斬渴此諸天衆亦復如是雖受無量種種天樂而不
知足尔時天衆于虛空中久受樂已復于廣池與彼
天子及諸天女子大蓮華葉中遊戲受樂五樂音聲
彼此和合一處同心同欲共相娛樂其心堅著六欲
境界久于此處歌舞喜笑以無量種無量差別而受
天樂如是等樂隨心所念具足成就以善業故隨其
所念一切諸樂隨念差別皆得成就是諸天衆爲無
量念覺觀波輪大河所漂生歡喜心一切天衆久在

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5

大池大蓮華中成就天樂受天無量放逸之樂時夜
 摩天王牟脩樓陀知諸天衆著放逸樂生憐愍心欲
 除諸天放逸行故爲之現化斷除色慢去廣池不遠
 化作大山名曰清淨猶如善淨真毗瑠璃無量金銀
 種種雜寶而爲莊嚴徧于彼山有游戲林周帯圍繞
 多有無量百千流泉水皆清涼其山寶峯光明普照
 一切林樹以爲莊嚴多有華池無量種華以爲嚴飾
 無量千數枝葉蔭覆猶如天宮如是勝山周徧莊嚴
 夜摩天中常樂地處所住天衆皆悉見之夜摩天王
 牟脩樓陀復更思惟化作天衆如天怨家顏色端正
 其行速疾歌舞戲笑勝常樂地過踰十倍或復化作
 勝妙天女勝常樂地一切天女亦過十倍此地天女
 一切不如何等一切所謂相頽端正顏色殊妙嬉笑
 歌舞種種遊戲皆悉殊勝其清涼山一切皆是毗瑠
 璃山如前所說尔時勝天在于化山住于第一最高
 山峯于此峯中化作天子及化天女歌舞詎妙音聲
 美妙聞者愛著彼化天衆及化天女從化山峯次第
 而下遊戲歌舞來向實天爾時實天聞諸化天歌舞詎
 之音如前所說十倍殊勝美妙音聲共天女衆歌舞詎
 游戲時諸化天亦復同作一類詎歌漸漸來下近實

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

天衆。尔時二種天衆既相見已化天歌訊漸增轉勝。
時實天衆見勝色故卽離色慢既破實天形服色慢。
尔時化天卽出音聲而歌訊頌時諸實天爲于化天
歌訊所覆化天香氣色量形類及化天女量色形類。
一切皆勝時諸實天五欲境界一切欲樂爲彼化天
五欲境眾欲樂所覆以夜摩天王方便力故令諸實
天諸慢漸薄尔時化天與實天衆共集一處令實天
衆威德光明皆悉隱蔽如闇浮提日光旣現星宿月
光一切皆滅化天威德令實天衆光明悉滅亦復如
是時化天衆出勝歌音令實天音隱蔽不現于化天

音如闇浮提人中歌音比于天聲單色彩形類所有勝
相亦復如是如夜摩天勝人色相時實天衆羞覆心
故向廣池岸時化天衆在彼池中大蓮華上歌舞嬉
笑天中所有五欲功德皆悉具足樂事成就于廣池
上大蓮華中歌舞戲笑共相娛樂時化天衆一切樂
具皆勝實天以雜歌頌爲實天衆而說偈言

一切業相似得天中樂報天命及樂受業盡則失壞
是故諸未失天中種種樂皆由福德因無福則大苦
命速不暫停上色亦如是死來甚迅速勿行于放逸
放逸能破壞衆生一切樂命爲死所滅勿得行放逸。

諸相不可制境鬼不可遮智者于境鬼則能得自在。
故應捨愚癡常修行智慧常遠離諸過無利之根本。
放逸生諸欲由欲造苦因生死皆是苦生滅法如是。
若捨離放逸則不樂境鬼能離于諸過則得解脫樂。
放逸是苦樹是大苦之相放逸能破壞一切諸眾生。
是色等無常非樂非和合得已而復失諸有皆如是。
隨有樂境鬼皆是繫縛因隨得轉增長如火得乾薪。
如是無狀足則不名爲樂若得離愛樂乃可名爲樂。
若離生死樂爾乃得常樂若爲欲所使則不名常樂。
如是夜摩天王牟脩樓陀以方便力壞彼天慢如是。

歌訊第一妙聲昔所未聞誘諸天衆欲令實天聞其
歌聲因得聞法時諸天衆旣得聞已本修心力之所
熏故卽便覺知如斯歌義旣覺知已心生厭離作如
是言彼天于我一切皆勝自離放逸而說偈頌況我
卑劣而行放逸時夜摩天王牟脩樓陀以方便力令
諸天衆生厭離心斷除放逸第一方便爲作利益以
此天衆色樂憍慢是故不知天當退沒至後退時悔
火自燒後爲地獄大火所燒夜摩天王以是方便令
實天衆心生厭離而得利益

正法念處經卷第五十六

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5

校譌

第一葉凡行下不字當作彼字未正 第九葉四行變譌作脣不成字今

改第十七葉一行常樂譌作樂常非是今改正

音釋

暎

驗

哎

張

正法念處經卷第五十七

元魏瑟羅門瞿曇般若流支譯

觀天品第六之三十六夜摩天之二十一

時夜摩天王牟脩樓陀知諸天衆心生厭離復爲現化令增厭離化作天衆于華葉中游戲歌舞諸實天衆本未曾見如是天衆游戲受樂有無量種無量差別爲實天衆得離慢故時實天衆聞諸化天歌舞聲音心生羞心正不歌舞不能游戲不受欲樂一心正住觀化天衆見化天衆作無量種歌舞戲笑無量差別無量可愛更無相似可以譬喻時諸化天蓮華葉

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

中歌舞游戲種種受樂。爾時天王牟脩樓陀見實天衆心離憍慢善調伏已。復于蓮華葉中化天歌舞有一華葉滿中化天忽然墜落墮大池中。或有深沒更不復出或有湧出在于水上或如死屍浮在水上或有相抱二俱沉沒皆唱是言救我救我遞互相喚或有相抱發聲大叫或有相抱而便沉沒諸寶天衆在大池岸觀諸化天見化天衆退沒亂壞極生怖畏極大愁惱。爾時池中一蓮華葉既墮落已復有一蓮華葉化天滿中而復墜落墮大池中或有沉沒或少力浮在水上發聲大叫或有沉沒不知所在或有死

已沒于水下或有死已浮在水上猶如船檣或有叫喚或共天女相抱大叫或爲天女兩手急抱而沒水中猶如人間在惡水中船檣壞時人皆沉沒此化天衆住華葉中與葉俱墜清淨水中沒在大池亦復如是。爾時復有一蓮華葉化天滿中而復墜落墮大池中如石墮水不復更出。爾時復有一蓮華葉多有化天住在其中而復墜落墮大池中遞共相抱皆大叫喚或沒半身久時叫喚然後盡沒如是百百千千有無量種安詳徐墮大池水中猶如沉石令實天衆皆悉見之無量天衆沒已不出。爾時復有一蓮華葉滿

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5

中化天臨欲墮落發聲大叫如大山崩或如地動或如大海潮波之聲化天墮時出大音聲亦復如是時實天衆在彼岸上聞化天衆如是音聲見如是等諸衰惱事皆生厭離心大恐怖周帯繞池觀此化天心極厭離共相謂言如此之事本所未見有如是等一切天衆極大衰惱昔所未聞昔所未見此大怖畏作是語已或有思惟極生厭離尔時復有一蓮華葉滿中天女而復墮落墮大池中驚怖求哀唱如是言救我救我復相謂言若天放逸則得如是衰惱殃禍墮落退沒互相告已時諸實天心得調伏皆生厭離不

行放逸心得隨順時夜摩天王牟脩樓陀見實天衆心調伏已爲利益他自隱其身入蓮華臺共諸調伏不放逸天入蓮華臺令實天衆不見天王王及天衆第一善心爲利天衆皆共入于蓮華臺中餘實天衆不見其身觀諸實天作如是念彼天云何爲調伏不爲離慢不爾時天王知諸天衆心善調伏乃至心中不念放逸皆生怖畏今正是時應爲說法而攝取之知此事已于大池中大蓮華內復作變化令生怖畏化作蓮華有無量葉及諸化天在蓮華葉墜于大池墮于水時出無量種怖畏之聲而復化作無量天衆

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5

死屍狼藉夜摩天王牟脩樓陀心自思惟如是天衆極大怖畏或當馳走奔于餘地卽復化現令其不去惟觀化天轉轉復生大狀離心如是一切種種化現皆悉作已與其天衆入華臺中復更觀答偏觀答已第一悲心爲利天衆出蓮華臺共諸天衆出華臺已卽攝神力化事皆滅安慰天衆作如是言若天放逸一切皆當得此衰惱一切怖畏放逸爲本不放逸天則不怖畏不得衰惱尔時天王牟脩樓陀爲諸天衆以偈頌曰

愚癡樂放逸常受諸苦惱若離放逸者則得常安樂

一切諸苦樹放逸爲根本是故欲離苦應當捨放逸尔時實天見夜摩天王牟脩樓陀心皆安隱歡喜馳趣夜摩天王共相謂言我今得主夜摩天王今者坐于大蓮華臺天衆圍繞能救護我能攝受我如是各各共籌量已一切皆走向大蓮華上蓮華臺牟脩樓陀天王住處師子之座與蓮華臺俱同色夜摩天王共餘天衆住華臺中天衆到已白天王言誰令天衆如是破壞如是衰惱如是墜墮沉沒水中唱聲叫喚誰能如是與諸天衆種種苦惱尔時天王牟脩樓陀告天衆曰此放逸過一切衆生必定皆有汝等天

6 7 8 9 10 1 2 3 4 5 6 7 8 9 30 1 2 3 4 5

經

正法華經卷五十一

正

龍

衆皆悉未知。尔時天主牟脩樓陀爲諸天衆以偈頌曰。

一切諸衆生皆悉不能破。一切諸業行無有能勝者。能令諸世間一切皆失壞。以有如是力。是故名爲死。彼能壞世間能破陰界入死王。從此世將至未來世。無力能抵捍。無有能救者。惟有法能救。是故法名救命。速不久停壯色亦如是。死來甚迅速。不應生放逸。一切衆生樂皆爲無常壞命爲死所滅。不應樂放逸。若善業盡時必至三惡趣。既知如是過。不應樂放逸。世間屬無常。皆有三毒刺。有生故有死。不應樂放逸。

死能破壞命。老能令衰變。病能壞安隱。不應樂放逸。業繩縛衆生心。依繩閣道流轉。三有中不應樂放逸。樂者必受苦。苦者苦轉勝。公夫爲妻子。不應樂放逸。母亦爲妻室。妻亦爲怨家。此等輪轉行不應樂放逸。于園林山谷天女衆圍繞。世間皆當盡。不應樂放逸。一切天受樂。皆當歸破壞。虛妄不可信。不應樂放逸。有生皆是苦。是老死之器。決定必當得。不應樂放逸。諸根難調伏。無有能調者。一切樂皆盡。不應樂放逸。少年必當老。諸欲猶如夢。是故有智者。不應樂放逸。猶如芭蕉葉。如電不久住。一切皆破壞。不應樂放逸。

經

正法華經卷五十一

正

龍

6 7 8 9 10 1 2 3 4 5 6 7 8 9 30 1 2 3 4 5

諸根難調伏樂著諸境鬼惟有智慧者能住自境界
 如是天王牟脩樓陀以諸天衆心得狀離爲利益他
 說如是偈尔時天王牟脩樓陀復爲天衆說放逸過
 作如是言汝等天衆云何沒在放逸闇中不見大惡
 不見大畏汝等皆見如是等天以放逸故皆悉破壞
 歸于死滅無能救者彼諸天衆一切樂具皆悉勝汝
 色量形類富樂光明天女詠歌舞戲皆勝汝等現見
 彼諸天衆以放逸故一切摩滅汝等天衆皆懲思惟
 遠離放逸一切世間惡龍池中放逸池中境鬼惡龍
 最爲大惡諸風火惡中放逸之火與億念風最爲

惡一切闇聚無量時集無始來集放逸闇聚最爲闇
 冥一切求便諸惡怨中放逸大怨求境鬼便最爲大
 惡諸利刀中放逸利刀最爲傷害墮惡道刀一切大
 惡毒蛇之中放逸毒蛇貪欲之毒能殺一切愚癡眾
 生毒中最惡一切怨家詐親善中放逸怨家詐現親
 善最爲大惡以起一切親故愛故一切杻械枷鎖及
 以繩索繫縛之中放逸繫縛最爲堅固過堅難故一
 切曠野無水無樹無果無陰無量衆生于中遭苦諸
 曠野中放逸曠野最爲大惡以離樂水離善人樹離
 持戒蔭能與世間一切衆生無量苦惱一切不實虛

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

妄見中妄見爲實如旋火輪。軋闔槃城鹿鳴談中放逸虛妄最爲不實。境界樂動不停不住無有如實。惟虛妄見如旋火輪。軋闔槃城鹿鳴談中放逸最爲虛妄不實。一切險岸顛墜之中放逸險岸最爲可畏。必定當墮大惡道故汝等天衆當知如是一切五道所攝衆生以放逸故三趣衆生得惡業故墮大惡道是故一切畏苦惱者應當勤心捨離放逸此放逸者一切苦本。尔時天王牟脩樓陀爲諸天衆以偈頌曰。不放逸得脫放逸常受苦。放逸不放逸已略說其相如是天王牟脩樓陀調伏諸天爲說正道。時諸天衆

一心諦聽心調伏故折伏諸根諸根宗靜夜摩天王牟脩樓陀于蓮華臺坐師子座時諸天衆白天王言願爲我說畢竟利益畢竟安樂令我得此畢竟利益畢竟安樂我云何行爾時天王告諸天曰有佛世尊具一切智解脫之師一切諸過皆悉解脫一切功德皆悉具足于一切衆生中最爲殊勝若能歸依則能斷除汝等苦惱佛無放逸汝當歸依能救汝等無量無邊生死怖畏爾時天衆聞天王教一切胡跪及諸天女生敬重心攝伏諸相于佛世尊生敬重心合掌頂禮受三歸依一切天衆以誠實心歸依佛歸依法

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

經

正法念處經卷五十七

七

競

歸依僧以善淨心毀誓放逸誠心悔過以見化天有無量種衰惱滅壞不能堪忍無量苦惱爾時天王牟脩樓陀見諸天衆心生厭離復爲化現無量神通于須臾間能示一身以爲千身于千身中現百千身于須臾間于一形相現于無量種種形相干須臾間飛昇虛空種種妙寶嚴飾其身種種形服于須臾間沒于水中現一千頭種種寶冠種種寶印莊嚴其臂其身光明勝于千日于須臾間化作大山園林具足在園林中一切天衆之所圍繞天衆皆見或見在于大蓮華中無量百千光明天女之所圍繞是諸天女身出光明時實天衆皆不能觀天王之身及天女身亦時天王牟脩樓陀復現神通爲令天衆離放逸故從其口中出于百千諸天大衆或有坐于七寶宮殿種種妙寶光明之身種種容服共諸天女莊嚴端正訊天歌音以爲圍繞一切皆從牟脩樓陀天王口出或有坐于蓮華之中如蜂歌音飲于天酒香味相應共諸天女或百或千以天衣鬘而爲莊嚴身出光明皆從天王口中而出時牟脩樓陀復現神通從口而出或有天衆乘七寶鳥游戲歌詠五樂音聲共諸天女歡娛受樂從于天王口中而出天之莊嚴不得爲比

經

正法念處經卷五十七

七

競

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

光明功德皆悉具足尔時天王牟脩樓陀復以神力從其口中化天踊出坐于拘婬羅邪中作天妓樂出妙音聲諸天女眾之所圍繞皆飲天酒歌舞頌戲笑共諸天女或百或千或億百千不可踰色殊勝天女而爲圍繞種種遊戲天園林中游行空中行如道路歌頌音聲勝于實天足一百倍歌音色樂種種功德皆悉具足令天衆聞時實天衆未曾見此希有之事見已皆生希有之心或生歡喜或有生疑作是思惟此天云何從于天王口中而出甚爲希有時實天衆如是思惟或共論說不知云何爾時天王牟脩樓陀復空之中而說偈言

一切衆生心如幻法不住一切必歸死有中莫放逸一切可憂中處心轉增長終必歸破壞有中莫放逸有中更無處有生而必滅一切樂皆畏有中莫放逸一切所見中謂五欲可憂一切皆如夢有中莫放逸喜愛難調伏常爲衆生怨速將入地獄有中莫放逸

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

經

正法念處經第五十七

大

第廿七

雖數受欲樂得已而復失必當皆壞滅有中莫放逸
 初中後不善能壞于世間業鎖所繫縛猶如鉤釣魚
 虽種種方便欲斷于業鎖一切天非天不能斷業鎖
 生死鎖極長首尾不可見是愛甚堅牢以縛愚癡人
 我及餘天衆若人阿脩羅一切皆無常癡盲不能見
 業身徧一切常流轉諸有一切愛縛心智乃能斷
 從于愛木中生子五鑽燧覺觀風力故爲時火所燒
 愚癡無智慧貪苦中妄樂迷故顛倒取流轉五道中
 喜樂于妻子及種種富樂常保此妄樂爲死王將去
 如虎狼殺鹿害之不疲獸死王大勢力殺害亦如是

一切諸有中無量多種苦爲癡所迷惑而心不疲倦
 若人依止惡不名自愛身既不自愛身世間更何愛
 如是天王牟脩樓陀從口所出變化僕人爲實天衆
 除放逸故說如此偈畢竟利益尔時天王牟脩樓陀
 復爲利益神通變化從其脣中示現踊出大蓮華池
 甚可愛樂其池多有鵝鴨鶯鶯而爲莊嚴第一清淨
 尔功德水其蓮華池有百千億七寶蓮華以覆其上
 其華香氣滿百由旬其蓮華臺王在其上種種妙寶
 莊嚴天冠種種光明種種寶衣莊嚴其身種種寶印
 莊嚴其臂種種采女而爲圍繞坐師子座其諸采女

6 7 8 9 10 1 2 3 4 5 6 7 8 9 30 1 2 3 4 5

經

正法念處經卷五十一

十一

競

手執白拂立侍左右復有諸人讚歎王言勝妙增上
猶如帝釋第二天王有如是等百千化王夜摩天王
以憐愍心利益他故爲令一切諸寶天衆離放逸故
化作帝釋轉輪聖王及餘無量百千諸王尔時天王
牟脩樓陀爲利益故復示變化從其脣中出大蓮華
廣百由旬百千億葉七寶蓮華種種寶葉多有衆蜂
出歌詠音聞者心悅見之慶樂夜摩天王從其脣中
所化蓮華其蓮華莖長五千由旬毗瑠璃莖金剛間
錯青因陀寶所共集成而以莊嚴勝天虹色甚可愛
樂大蓮華內有諸化人種種衣服莊嚴其身第一勝
樂執犁耕地而說偈言

一切犁地者心皆希望果癡心希利故不觀當有死
愚者希利心念念常增長而不覺諸行念念歸滅盡
老罰時欲至能令少壯盡病苦若來至能壞于安隱
此三種惡罰破壞天非天速來時欲至愚者不覺知
天龍阿脩羅健闍緊那羅羅刹毗舍闍皆爲老死壞
能令貪愛者捨離于親里癡愛相繫縛輪轉于諸有
子孫及孫子如是種子等人爲愛所誑一切皆當失
如是化人爲利益他說如此偈時實天衆聞是偈已
心念思惟于境界中不多愛樂尔時天王牟脩樓陀

6 7 8 9 10 1 2 3 4 5 6 7 8 9 30 1 2 3 4 5

爲利天衆復作現化于其一切身分之中種種莊嚴
 種種容顏種種寶冠無量種色無量種形無量種相
 天乾闔槃若人若龍阿脩羅等各以自法衣服莊飾
 莊嚴從天王身毛孔中出各如本色如其形相如其
 自法自共采女歌舞嬉笑娛樂受樂天王受樂與人
 相似富樂歡悅自相愛樂歌舞嬉笑歡娛受樂復有
 諸龍種種莊嚴或有一頭或有二頭乃至七頭有種
 種色種種形相勝妙寶冠莊嚴其首種種音聲歌訊
 游戲生歡喜心娛樂受樂如是勇健羅睺阿脩羅等
 皆盡化出天帝釋樂減夜摩天共諸采女圍繞供養

第一莊嚴阿脩羅女圍繞供養五樂音聲聞之可愛
 阿脩羅王在在宮殿從于天王牟脩樓陀身分而出
 受第一樂又復化現鬱單曰人住雲鬘等十大山中
 富樂自在少減第二三十三天園林華池多有種種
 諸飲食河種種歌舞游戲受樂從于天王牟脩樓陀
 身中而出復化瞿邪尼人自樂成就歡喜游戲亦復
 如是時實天衆見如是等無量種類無量差別夜摩
 天王成就如是第一神通爲除放逸勝利益故作如
 是化非不利益令放逸天現見無常心則柔軟是故
 示化種種具足先示欲味後示其過令其厭欲以是

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

經

馬法傳序卷五十一

上

竟七

因緣夜摩天王爲實天衆示化欲味受種種樂歌舞游戲衣服莊嚴飲食采女親近供養五相受樂如心所念具足皆得是名欲味云何欲過若得欲已心生愛樂求之不得共他而有非獨屬已愛別離苦無量種苦爲強力者之所侵奪復有五種強力所奪所謂王賊水火怨家復有餘苦常爲怨侵常畏他奪守護怖畏或心憂愁死生貪樂身心常苦如是欲過終至于死有無量種衰惱諸苦愚癡之人于此欲過衰惱苦中不生歡離復有欲過有何等過爲欲因緣母子鬪諍住不同處一切皆由欲因緣故若兄弟鬪諍互

相憎嫉若打若縛一切皆由欲因緣故是爲欲過若王者共諍無量國土互相攻伐互相打縛若殺若害加種種苦一切皆由欲因緣故是爲欲過是故當知皆由于欲繫縛一切在于生死尔時天王牟脩棲陀爲實天衆化作如是無量差別人中欲過王者共諍無量方便及以餘人以欲因緣入于海中若共鬪諍若繫若縛憂悲苦惱怖畏鬪諍不饒益事一切皆由欲因緣故一切人中皆因欲過不得安隱云何天中因于欲過所謂諸天共阿脩羅鬪戰相壞一切皆由欲因緣故若阿脩羅共天鬪諍亦復如是由欲因緣

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5

有如是等是爲欲過以此因緣牟脩樓陀夜摩天王爲實天衆除放逸故示如是化若諸龍等共龍鬪國土失壞震雷放電一切皆由欲因緣故若諸畜生互共鬪諍殺縛捕得一切皆由欲因緣故是名欲過于鬼神中以食因緣或欲因緣互相撲打以刀相斫一切皆由欲因緣故是爲欲過以此因緣夜摩天王爲實天衆除放逸故示如是化于地獄中互相燒打互相殺害受諸苦惱于人中時由欲因緣造作惡業鬪諍憎嫉以其念本女色因緣共相憎嫉以是惡業墮地獄中身體裂壞如是地獄皆由欲過以此因緣夜摩天王爲實天衆捨離欲故示如是化徧于五道示欲過患令眾生死示于人中所有欲味一切皆失夜摩天王爲示天衆欲味欲過化作蓮華百葉墮落破壞摩滅復廣示現天人之過既不過已復示出離解脫種子利益安樂諸天衆故夜摩天王復爲饒益諸天衆故示于欲過何以故聞異欲過則于生死生厭離心以異見故以此因緣爲諸天衆復示欲過若天若龍阿脩羅等示欲味已復示欲過于退沒時得諸哀惱是諸天人龍阿脩羅于一切處受無量種諸欲樂已至于退時隨諸天等所懲受者皆悉示其種

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5

種退法。所謂高山險峻崖岸有無量種師子虎豹野
狐猪兔牛驢象馬駱駝犛牛失收摩羅魚摩伽羅魚
龜鼈之屬。或有一頭或有二頭或復多頭口中含土
手中執火復有徧身煙炎俱起或有雨火或有放于
金剛惡鬼徧衆多處其聲噓响甚可怖畏如一百山
同時俱崩無量種類身色黯黓頭如大山色相可畏
舉身毫髮炎火熾然或有百臂或有千臂于其手中
或有執繩或執刀杖或執金剛見者大怖滿大山谷
如是等衆從大山出走趣化天奮目大怒眼赤如血
從其口中出諸火炎黃赤朱紫無量種色如黑雲中
電光亂起復化死王閻羅伺命色頽可畏走向化天
手捉赤繩及諸器仗所執器仗頭皆火然發大惡聲
猶如震雷其身熾然滿十由旬或有伺命有一百眼
或四百眼乃至千眼眼皆燄出青赤黃鵠種種雜色
其火熾然至于十里種種相類一切衆生之所怖畏
醜陋可惡從化山中燄响而出凸脹下垂脇如山谷
頭如山峯或有縮咽入兩肩中或有長髮髮皆直豎
咽火燄起或有長爪火燄熾然或有身毛燄然火起
或有偏體大火猛熾如燒大山皆從大力化山中出
放金剛雹復有死王閻羅伺命其頭狀如烏鵲鴟鴞

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

野于狐狗駱駝之面。徧身火然。惡蟲覆身。以怖天衆。從于大黑化山中出。一切疾走。猶如猛風吹大黑雲。熾電俱起。走趣化天。尔時死王閻羅伺命漸近化天。捉得化天。燄火鐵繩返縛其手。縛已牽輓。尔時化天見餘化天。身被繫縛。極大怖畏。各各散走。時死王使尋逐捉之。舉置頭上。昇空而去。不復可見。過眼境界。噓呴之聲甚可怖畏。或有伺命。捉得化天。以燄火鐵繩而繫其頸。入地而去。復有死王閻羅伺命。捉餘化天。擲著水中。响喊唱叫。嘵諸化天。其身不沒。住在水上。爲諸化天而說偈言。

愚癡僑慢心。爲放逸所使。樂時既已過。今當就死苦。無量境界林。惡毒滿其中。憂牙甚廣大。求善應捨離。不作衆善業。而常癡放逸。死時既已到。竟爲何所作。沒在愛水中。不能度衆苦。以沒生死故。永無有安樂。一切有生者。死常隨其後。云何愚癡人。而樂放逸行。雖知不可遮。常有大勢力。是大力死軍。世間不覺知。非是鬪戰力。無方能捨離衆生。放逸故不覺死怨至。死使有三種。徧行于世間。謂老病衰壞。愚癡不覺知。如是死王閻羅王。伺命說此偈頌。呵責天衆。百返千。返加諸苦惱。時實天衆見衰惱已得離。一切放逸之。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

心受三歸依時夜摩天王知諸天衆心已調伏復示變化令實天衆心得厭離是等化王所著天冠一切欲具皆從天王牟脩樓陀身中而出共諸采女隨順供養如前所說上色具足復爲衰老之所毀壞髮白面皺偏身肌現拄杖而行羸瘦顚額一切諸業皆不能作依他而行爲諸愚人輕弄戲笑上氣不樂諸根變熱一切力盡衆所輕賤行步數倒死時將至近他而行身極羸瘦依他扶持身色醜惡行于他側未經幾時身中多有種種病起所謂熱病下利咳嗽盛氣噎病水腫疽瘡癩病垂近死地身大穢惡是大惡病

不可療治死相已現其王具嬰如是諸病得如是等極大苦惱然後命終既死之後脣脹臭爛多有無量百千種蟲時諸天衆見此死屍復有鵝鷺諸惡貪鳥從山飛來取諸死屍而啖食之或有取屍騰空而去時諸天衆見是事已其心厭欲一心正念尔時天王爲利天衆復示神化示于羅睺阿脩羅王勇健阿脩羅王等一切皆在大海水下至夜摩天住天王所去王不遠住在一面大聲叫呼既叫呼已顛墜墮地尋卽命終如木如石不動不覺諸阿脩羅王諸采女等見是事已極生苦惱皆悉圍繞叫喚啼哭于啼哭時

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1

有鳥飛來取諸死屍猶如木石衆鳥取之不覺不動
 阿脩羅女既啼哭已一切皆死復爲鵠鷺烏鵲衆鳥
 競共取之從空而去令諸天衆不復見之夜摩天王
 爲利天衆示化如是啼哭悲泣尔時夜摩天王復化
 龍王如前所說復示無常或有龍王熱沙所燒猶如
 焰火如佉陀羅炭入乾坤聚是諸龍王熱沙所燒亦
 復如是復有龍王龍女圍繞爲金翅鳥搏撮將去諸
 龍女衆發聲大叫復有龍王爲鋸所解悲聲唱叫怨
 心相斫互相加害如是化龍爲死將去時諸天衆見
 是事已心極慟離時夜摩天王復化弗契提人瞿陀

尼人無量百千皆悉衰惱及諸天人亦復如是老極
 須臾皆歸于死既死之後多生諸蟲偃臥于地甚可
 惡賤時實天衆見此諸事無量差別大惡有過見死
 苦已皆生厭離互相謂言此諸衆生有苦而死此諸
 衆生老病死盡終竟不知當詣何處爲誰將去一切
 資具皆悉無常一切諸樂皆雜有過無常不住敗壞
 之法不可保信一切諸法皆悉破壞無有少樂如是
 實天互共論說皆生厭離時夜摩天王知諸天衆心
 生厭離復化丈夫自在離慢決定上生謂鬱單越人
 少減天福受第一樂復化令作老病身死身既死已

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

無量百千諸蟲啖食其屍若有見者皆生厭惡猶如
屎聚夜摩天王爲利放逸諸天衆故示如是化鬱單
越人爾時天王復作化示令實天見謂中陰有無量
畜生人天之中化中陰有令諸天衆皆得現見無量
種種心行之業有因緣生無量百千五道生死爲諸
實天得厭離故于大池中示如是化不可思議希有
之化無等無比令天現見于池水中具見一切五道
衆生以業煩惱因緣力故流轉而行從一道死復生
一道輪轉生死無救無歸無有伴侶輪轉諸有輪迴

地獄餓鬼畜生及以人天令實天衆見于種種生中
陰有見已驚怖極生厭離復見夜摩諸天中陰之身
見夜摩天以業盡故從天退墮悔火所燒貪放逸故
天身則滅中陰身生足上頭下如印中陰以惡業故
生地獄陰見生死業故極大怖畏共相謂言是業因
緣甚大戲弄夜摩天衆時實天衆見是事已生厭離
心是名見地獄中陰非生有陰半脩樓陀示如是化
以何義故不示生陰以天心軟不能堪忍若見生陰
不可譬諭不可說苦卽失身命是故示化不示生陰
是名實天觀夜摩天退欲入地獄中陰之身時夜摩

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

天王復以希有神化中陰不夜摩天放逸過惡之所傷害以業盡故欲墮餓鬼足上頭下如印相似業繩所牽隨所作業如是成熟時實天衆復見如是第二中陰復次第三見化中陰如夜摩天復爲放逸之所傷害業盡還退惡業所縛欲墮畜生足上頭下如是中陰如印所印畜生中無量種類相似中陰是名第三道中陰有相見之怖畏復生獸離驚愕惶怖互相觀視以偈頌曰

微細難解知徧行一切處是業使衆生流轉于諸趣
若人著欲樂常行于惡業以樂誑其心死則入地獄
若得畢竟樂乃得名安隱若樂有苦報是不名爲樂
放逸諸天衆退失夜摩王若法具足者智者所讚歎
游戲園林中樂見諸天女欲境無厭足以是故退沒
以樂增長故渴愛轉增長智慧人所說斷愛爲第一
我見世中陰令生大厭離誰當救護我令我得解脫
時諸天衆見如是等種種中陰生厭離心時夜摩天
王牟脩樓陀知諸天衆心調伏已皆滅化天示以自
身宗滅莊嚴諸天見之其心安隱往詣天王到已圍

6 7 8 9 10 1 2 3 4 5 6 7 8 9 30 1 2 3 4 5

繞住在一面心生敬重歡喜踊躍作如是念我今得
生時實天衆見無量惡皆生厭離

正法念處經卷第五十七

校譌

機俗作械
械筏並非險俗作采女未擇美人也俗作採非擇亦俗作遞藏作

書誤俗今正

音釋

犧音毛虓响唵唵黓黓
凸鵠喊喊縫縫佞性性
新野信官馬之駿助刻于寒山化城庵

正法念處經卷第五十九

元魏婆羅門瞿曇般若流支譯

觀天品第六之三十七

夜摩天之二十三

尔時夜摩天王告天衆曰汝今何故不于園林華池
無量衆寶莊嚴山峯歌舞戲笑天王如是觀諸天衆
爲生厭離不厭離邪時諸天衆聞夜摩天王說此語
已白天王言當于何處園林七寶山峯之中而有樂
處我見無量生死衰惱無量差別不可堪忍我自目
見一切諸欲皆悉無常後皆致苦此欲無常不住不久
敗壞無堅無樂爾時夜摩天王聞天衆說而告之

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

曰汝今當知。一切欲樂後皆致苦。時諸天衆白天王言我今已解欲爲大苦。時夜摩天王告諸天衆。我宣說一切生死無量諸苦。今當爲汝略說少分。令億千劫不復放逸。常行人天二種善道。若斷放逸是爲智慧。若放逸緣來卽應遠離。若不爲放逸之所使役。則不墮地獄餓鬼畜生。復告天衆。今當爲汝說三惡道二種善道。二善道者天之與人。三惡道者所謂地獄餓鬼畜生。如是五道大勢力苦。我能宣說不可廣說。今當略說以要言之。于天人中有十六苦。何等十六。天人之中善道所攝。一者中陰苦。二者住胎苦。三

者出胎苦。四者希求食苦。五者怨憎會苦。六者愛別離苦。七者寒熱等苦。八者病苦。九者他給使苦。十者追求營作苦。十一者近惡知識苦。十二者妻子親里衰惱苦。十三者飢渴苦。十四者爲他輕毀苦。十五者老苦。十六者死苦。如是十六人中大苦。于人世間乃至命終。及餘衆苦于生死中不可堪忍。于有爲中無有少樂。一切無常。一切皆盡。一切敗壞。初生中陰識如香氣。有何等苦。業風所吹。非肉眼見。天眼所見而無所礙。若生人中。生種姓家。有下中上。以布施持戒。智慧果報而欲生者。此識香氣中陰亦得如是之食。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

若欲生于貧窮種姓所食麤澀色香味觸皆悉麤惡身量減劣少布施故不得勝報是名人中生初中陰苦復次第二苦若生胎中以業煩惱因緣故住生貧窮家母食麤澀苦酢之食膜衣筭中薄少食味入其脣中令胎中子身羸惡色氣力劣弱母疲極故子于胎中則受大苦轉向兩脇走避苦惱母食冷熱則受痛苦無力無救不能叫喚沒屎尿中受無量苦是爲善道人中第二大苦何況地獄餓鬼畜生復次第三苦從胎出生胎藏逼迫猶如壓油嬰兒出胎欲墮逼迫亦復如是是爲大苦復次以初生時其身柔軟如

生酥搏亦如芭蕉又如熟果母人瞻產以手捉之其手堅澀皴裂劈坼狀惡頗面指甲長利面目醜惡以手捉之猶如火燒亦如刀割如是嬰兒身體細軟母人觸之得大苦惱若得新衣麤澀厚重或得故衣補納破裂孔穴穿露狹小單薄止于艸蓐寒時太冷受大寒苦熱則太熱猶如火燒以本布施不清淨故受斯苦惱從胎而出受大苦惱復以不淨布施因緣令母少乳所食苦澀母食劣故其乳則少或母食麤惡故令乳少羸瘦惡色惟筋皮骨以爲其身飢渴病故身體無力若無所食啖從他乞求人所輕賤少得飲

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

食色香味薄。依他而食辛苦繼命。如是乏食。令身苦惱。以本所行不善施故。乃至命盡常不充足。以乏食故。常受苦惱。復次第四苦惱。以希望食而得苦惱。飢餓所惱。或作盜賊。作諸惡業。作無利益。或作勇健。因致失命。或次死苦。諸苦之重。所謂飢渴。尔時夜摩天王牟脩樓陀爲諸天衆。以偈頌曰。

生死大苦惱。無與飢渴等。衆生以飢苦。作諸不善業。從自身起火。故名飢渴苦。飢渴燒三處。如劫火燒林。世間大炎火。不能至後世。飢渴火難斷。至于百千劫。愚人造不善。行于險惡道。皆爲飲食故。智者如是說。

飢渴有大力。過于大猛火。一切三界中。以食因緣轉。若干人世間。有種種財物。一切以食故。成就三有海。如是夜摩天王牟脩樓陀爲諸天說。復次天衆于人世間有第五苦。謂怨憎會。有六種苦。何等爲六。謂眼見怨等。心不愛樂。心不憐愍。見其身色。心意惱亂。于心心數。而起怖畏。生不利益。心心數中。而生苦惱。一切惡中。初第一惡。所謂見怨家色。及惡知識。復次第二怨憎會苦。若聞其聲。不得利益。不愛不順。心生惱亂。是爲怨憎會苦。第一惡聲。謂所聞攝不正法聲。憎惡聲。故身壞命終墮于地獄餓鬼畜生。若聞不愛不

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5

利益聲聞已。生于惡心惱亂。不愛不樂。心不憐愍。是爲人中怨憎。不愛合會之苦。復次第三。怨憎不愛會苦。謂鼻聞香。不愛不樂。心不隨順。聞之心惱。或生染苦。是爲大惡。不愛合會。諸天子等。是名人中不愛合會。若人愚癡。無有智慧。或行或住。心生貪著。輕慢不敬。若人以香供養法僧。其人便以欲心觸之。身壞命終。墮于地獄。餓鬼畜生。如是惡人。以身因緣。以貪身故。身心不淨。身壞命終。墮于地獄。諸天子。是爲人中不愛怨憎。合會之苦。復次第四。不愛會苦。所謂世間愚癡惡人。因于味故。而作惡業。以惡業故。身壞命終。

墮于地獄。若非沙門現沙門像。內懷腐爛。猶如蠶聲。或在僧寺。或白衣舍。實非沙門。著沙門服。常貪美食。爲味所縛。以是因緣。身壞命終。墮于地獄。復有懈怠比丘。捨離禪味。爲美食故。處處游行。心常樂食。以懈怠故。身壞命終。墮于地獄。諸天子。是爲人中以著味故。不愛合會。而生苦惱。復次諸天子。人中第五。不愛會苦。所謂身觸以此縛心。不善思惟。不順法行。意不正念。如是惡人。惡境所縛。身壞命終。墮于地獄。諸天子。是爲人中不愛合會。而生苦惱。復次天眾。人中第六。不愛合會。而生苦惱。所謂有人心意躁動。不能止。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

住心意不正多有散亂常思惡業不樂善法樂不善法無利益事以是因緣身壞命終墮于惡道生地獄中諸天子是爲人中不愛合會而生苦惱及餘種種無量諸苦人中具受復有三種怨憎會苦謂近怨家怨害其命如眼中刺常不隨順是爲第一怨憎會苦復次第二怨憎會苦與惡知識共同事業是名第二怨憎會苦復次第三怨憎會苦內懷瞋恚得便傷害是名第三不愛怨憎會苦諸天子是爲人中無量種苦時夜摩天王牟脩樓陀復爲天衆得厭離故說于第六人中大苦所謂愛別離苦二世利益是名爲愛

善友別離是爲大苦若離父母兄弟姊妹妻子親里及餘所愛有恩之人別離大苦如墮刀火燒其身心受大苦惱是爲愛別離苦夜摩天王爲利天衆演說此法時夜摩天王復爲天衆說于第七人中大苦所謂寒熱二苦諸天子云何人中寒熱二苦以于人中飲食不調應冷而熱應熱而冷久坐則苦久立亦苦多飲亦苦不睡亦苦若干昼夜右脇而臥久眠亦苦左脇亦尔初樂後苦于人世間以貪樂故爲樂所誑而修善業以樂誑故入于地獄諸天子人中之樂如苦無異如是夜摩天王牟脩樓陀爲利益諸天衆說

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1

如是法。汝等天衆勿生此意。謂人中樂應生獸離。爲離生死說法利益。除天放逸故。復次夜摩天王爲夜摩天衆復說第几人中大苦。所謂病苦。無量差別。無量病起。所謂熱病下利。上氣嗽逆。四百四病害諸衆生。復有病苦害諸衆生。憂悲愁惱等病人中大苦。時夜摩天王牟脩樓陀爲利益天衆復說第九苦。令離生死。示于人中生死大苦。所謂人中爲他所使。是爲大苦。同道同生同根同歲同力。以業劣故爲他所使。若晝若夜不得自在。常受大苦。是名人中使役之苦。復次爲他使苦。若人第一種姓。精勤色力。讀誦智慧。

具足無乏。以貧窮故爲下賤人之所使役。時夜摩天王牟脩樓陀爲夜摩天衆得利益故。復爲說法。以當下劣無布施業人所輕毀。晝夜辛苦爲人所使。無施因緣。常受苦惱。手足破裂。貧窮無食衣服垢壞。飢渴所惱。寒熱辛苦。如是無量苦惱不可堪忍。晝夜使役不斷不絕。人中復有種姓色力。勢力下劣而多財富。復有種姓色力智慧。一切皆勝。而常貧窮。以貧窮故親近賤人。爲業所誑。爲心誑。故受大劇苦。諸天子。是爲人中使役之苦。復次爲他使苦。若貧窮人順法而行。以貧窮故親近惡行不善之人。近不善故同其惡。

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5

業雖不喜樂爲他所使而造惡業。身壞命終墮于惡道。生地獄中爲他使故。二世受苦。復次天衆人世界中第十受大苦惱。所謂第一追求大苦。無量苦惱爲求財故入于大海。入敵鬪戰經營造作。言詞辯說親近下賤耕田種植商買販賣畜養畜生游方行使爲他所使。昇大山巖處處游行依附他人。如此所作一切追求皆爲財物嚴飾衣服或貧窮人或愛著人。如是追求愛網所縛乃至命盡或作惡業或作妄語。誑惑他人輕稱小斗欺誑于人酤酒販賣糴賣胡麻。以及賣毒作如是等惡律儀行治生販賣或破國土城邑聚落軍營人衆及餘種種衆惡之業。以妻子飲食敷具財物故追求之苦無量百千乃至千歲說不可盡。諸天子是名人中追求之苦。如是夜摩天王爲利益天衆說離有故說究竟法。諸天子勿于人中起希望心當生厭離。若貪諸有不得利益以是因緣說于人中一切衰惱。若生人中以追求故作不善業以是因緣或墮地獄或墮畜生或墮餓鬼既生惡道受種種苦。如是夜摩天王復說十一人中大苦告諸天衆人中大苦所謂近惡知識皆無利益。一切苦因近惡知識無惡不得。造身口意一切惡業以是因緣身壞

東京大学総合図書館所蔵

正法念處經卷三十一

邑聚落軍營人衆及餘種種衆惡之業。以妻子飲食敷具財物故追求之苦無量百千乃至千歲說不可盡。諸天子是名人中追求之苦。如是夜摩天王爲利益天衆說離有故說究竟法。諸天子勿于人中起希望心當生厭離。若貪諸有不得利益以是因緣說于人中一切衰惱。若生人中以追求故作不善業以是因緣或墮地獄或墮畜生或墮餓鬼既生惡道受種種苦。如是夜摩天王復說十一人中大苦告諸天衆人中大苦所謂近惡知識皆無利益。一切苦因近惡知識無惡不得。造身口意一切惡業以是因緣身壞

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

命終墮于惡道。生地獄中。受無量苦。于未來世或墮餓鬼畜生之中。受無量苦。觀于人中地獄餓鬼畜生過已。遮于天眾。希望人有說一涅槃宗滅之處。復次夜摩天王爲欲利益夜摩天衆說人中苦。所謂人中第十二妻子親里衰惱大苦。所謂妻子親里殺縛鞭打。飢渴貧窮種種苦惱。所愛之人受苦惱故亦得苦惱。是名衰惱于人道中以妻子親里眷屬因緣而得苦惱。以是勿樂生于人中。一切有生必歸于死。隨有死處。皆是苦惱。于生死中最大苦者謂生老死。人中具有。諸天子既知人中如是大苦不可堪忍。勿生欣

樂。以如是等無量善宗滅無上道義示諸天衆。于人道中無利益事。種種有網。不可譬諭。况三惡道無量百千億不可譬諭。大苦充滿不比人中。若天退時少放逸天爲之說言。汝當生于人善道中。若人臨終親里知識願其生天善道之中。二種善道猶尚如是。況三惡道受大苦惱。如是利益攝他常不放逸夜摩天王說無量種無量差別無量方便無量種法涅槃勝法說妻子苦已。復爲夜摩天衆說第十三人中大苦。所謂飢渴苦。由飢渴故作無量惡。其餘衆苦無如飢渴。以飢渴故入衆惡處。大種姓人爲飲食故合掌垂

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

涙哀聲親近下賤小人說慈愛語如是一切皆由飢渴。畏飢渴故不顧其命入危險處刀刃之間及惡象敵一切皆由飢渴苦故或入大海經于無量百千旬無量惡魚堤彌鯢魚洪波惡處自捨身命棄于舡舟而沉大海如是一切皆由畏于飢渴之苦復有無量種種差別不可具說如是諸苦爲口腹故若人執縛從右門出打惡聲鼓嚴以死鬘鐵標在前怖畏愁惱將詣殺處命在須臾雖復大苦未過飢渴是故懲當以淨善心于福田中以好財物而行布施時處具足于生死畏中勤脩精進善心布施天中少飢一切

生死皆依飲食以除飢渴是故一切應行布施諸天衆是名人中飢渴苦惱無量差別于天道中苦微而輒天樂覆之福德多故飲食易得而天不覺徧于欲界飢渴炎火之所覆蔽畏于苦火諸天子如是觀于人中種種生老病死之苦勿生欣樂如是夜摩天王牟脩樓陀見夜摩天衆其心調伏多調柔軟既觀答已復爲天衆說人中苦勤脩利他自利則易牟脩樓陀以不斷力爲利他故爲夜摩天衆數數宣說無量種法說第十四人中大苦所謂他輕賤苦不可堪忍種種差別于貧窮人輕毀偏多有十種苦種姓親族

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

兄弟富人之所輕戚以貧窮苦依他而食綺語不實親族空語無義之語依他住食衣服塵垢他人輕毀若入城邑若節會日人見輕毀人道之中有如是等無量輕毀大苦世間之人無薪之火住在心中謂輕毀火親里知識兄弟火燒最爲尤甚無福德故得此十苦徧燒其身大恐怖畏以燒乾身氣如烟起諸天子懸生知足勿于人中而生欣樂人中少樂甚大苦惱衰惱短壽輕毀垢汗惟于人中多有輕毀非四道中于人道中輕毀最重得他輕毀一切身分猶如中毒隨本所得供養之處後更輕毀若人先常得好供

養後得少利得少時供若善男子如是輕毀過于死苦諸天子是爲人中難忍大苦復次第十五人中大苦所謂老苦當爲汝說人中老苦老者能令一切身分羸瘦減劣諸相皆羸破壞少壯拄杖而行無有氣力輕毀住處背僵鼻戾髮白死使身意減劣雖未命終猶如畜生諸天子是則名爲人中老苦名色戲弄不久必死若見老苦而不怖畏當知是人名爲無心猶如木石以無心故雖復人身猶如畜生諸天子于人道中生爲大苦以有生故是故老苦既知老苦勿于人中起欣樂心復次第十六人中無量種受生生

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

則有苦。何等苦也。所謂死苦。死已復生。身根入壞。命根斷滅。不復見于兄弟知識。色身滅已。復行異處。以自業果而爲資糧。一切衆生必歸終盡。命盡棄身。受中陰有是名爲死。一切有生皆歸于死。若死而不生。生而不死。無有是處。諸天子勿于人中而生樂心。尔時夜摩天王牟脩樓陀以偈頌曰。

也字句
疑誤

于人世界中有陰皆是苦。有生畢歸死。有死必有生。若住于中陰。自業受苦惱。長夜遠行苦。此苦不可說。沒于屎尿中。熱氣之所燒。如是住胎苦。不可得具說。常貪于食味。其心常希望于味。受大苦。此苦不可說。

小心常希望于欲。不知足。所受諸苦惱。此苦不可說。怨憎不愛會。猶如大火毒。所生諸苦惱。此苦不可說。于恩愛別離。衆生起大苦。大惡難堪忍。此苦不可說。寒熱大苦畏。生無量種苦。大苦甚。暴惡此苦不可說。病苦害人命。病爲死王。使衆生受斯苦。此苦不可說。爲他所策使。常無有自在。衆生受斯苦。此苦不可說。愛毒燒衆生。追求受大苦。次第乃至死。此苦不可說。若近惡知識。衆苦常不斷。當受惡道苦。此苦不可說。妻子得衰惱。見則生大苦。出過于地獄。此苦不可說。飢渴自燒身。猶如猛火燄。能壞于身心。此苦不可說。

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5

常爲他輕賤親里及知識。生干憂悲苦。此苦不可說。
人爲老所壓。身羸心意劣。樞僂拄杖行。此苦不可說。
人爲死所執。從此至他世。是死爲大苦。不可得宣說。
衆生莫能見。諸業不能遮。能壞諸衆生。是故名爲死。
大力難堪忍。能令諸衆生獨行大怖畏。是故名爲死。
衆生畢竟有時火。不可避。能斷衆生命。是故名爲死。
死王所破壞。能斬人命根。盡于陰界入。是故名爲死。
生必有別離。知識及兄弟。別已不復合。是故名爲死。
及死未至時。應當脩善行。死惡無慾愍。未至應修善。
是死甚卒暴極惡無慈愍。未至能修善。乃爲天中真。

若法中生慧。是名善命人。若人不離法。是爲命中命。
若人心念佛。是名善命人。不離念佛故。是爲命中命。
若人心念法。是名善命人。不離念法故。是爲命中命。
若人心念僧。是名善命人。不離念僧故。是爲命中命。
若人心念實。是名善命人。不捨離實故。是爲命中命。
若人心念道。是名善命人。不捨離道故。是爲命中命。
若人常憶念趣向于涅槃。乃得名天。非樂欲樂者。
若常一心念樂修禪定業。此樂能離。有非謂著欲樂。
既知此有過于欲生欲離。精勤求涅槃。是名真實天。
如是夜摩天王以無量種利益諸天。令諸天衆心得。

6 7 8 9 10 1 2 3 4 5 6 7 8 9 30 1 2 3 4 5

清涼斷除惡道。爾時天衆白天王言。天主。如天王說我等現見色力形額十倍勝者。皆受衰惱。而況我等夜摩天王聞此語已。而告之曰。如汝所見。此諸天衆少衰惱耳。汝等夜摩天衆當墮地獄餓鬼畜生。百倍過此。以汝天衆行于非法放逸行故。若諸天衆順法而行。遠離放逸。則閉一切惡道之門。常于天人受種種樂。當離憂悲老病死苦。得常住處。永無如上所說諸苦。以是因緣。勿行放逸。如是欲樂。比無漏智禪定之樂。百千分中不及其一。爾時天衆聞天王說。現見諸過復作是言。天王說法利益我等。我今攝受令我

不受如是生死衰惱之苦。爾時夜摩天王牟脩樓陀以偈頌曰。

若有自作業。非是他人受。若自善調伏。是則得常處。若有作異業。無及善業者。無量百千生業。常隨順行。廣作諸福德。修行于善法。則得最勝處。永離老病死。如是自善業。天衆應思惟。若修行善業。此是勝資糧。如是夜摩天王牟脩樓陀說是偈已。告諸天衆。自今已去。勿爲貪著色聲香味觸故。而起放逸。游戲園林。時諸天衆聞此語已。白天王言。願我未來見彌勒佛。無上士調御丈夫。天人導師。出興于世。我生人中。見

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1

經

正法念處經卷五十一

廿

五百

彼世尊在初會。數得聞法已盡。諸有漏復有天衆願求阿耨多羅三藐三菩提作是願已歸佛法僧。七萬天子及餘天衆必生人中見彌勒佛。得聞法已諸漏永盡。復有餘天先見佛塔發阿耨多羅三藐三菩提願復有餘天發緣覺心。一切皆願當來得果。尔時夜摩天王作如是念。我已爲他作大利益。令諸天衆離放逸行。時夜摩天王知諸天衆意善調伏。各令還宮。時諸天衆恭敬圍繞夜摩天王捨池而去。夜摩天主牟脩樓陀爲諸天衆作利益已。復詣餘地爲餘天衆而作利益。夜摩天常樂地。第九牟脩樓陀大化經具足竟。

復次比丘知業果報觀夜摩天所住之地。彼以聞慧見夜摩天處名增長法。衆生何業生于此地。彼見若人善心持戒不殺不盜如前所說。復離袞婬微細亦捨乃至見畫男女不生億念。如是之人不觀不念不味不著。不濁心念。恐犯淨行。亦不思惟。不念不善。過于心過爲他人說袞婬業果以遮其心。令其不喜不愛不樂。此袞婬果不應習近。非宋滅道不可愛樂。行善之人不應喜樂爲他宣說。微細之果持戒梵行。于微塵惡見之生怖。如是之人身壞命終。生于善道。天

經

正法念處經卷五十一

廿

五百

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

世界中增長法地。生彼天已。善業行故。愛樂成就。所謂園林金山峯中流泉河池。眾寶莊嚴。眾鳥妙音。其池四岸。七寶莊嚴。青毗琉璃。青因陀寶間錯其地。多有眾蜂。種種色聲相類。各異見之可愛。其聲美妙。聞之悅樂。于園林中增長愛樂。復于異處。金剛青寶。玻瓈爲石。莊嚴山谷。于光明山聞流水音而受快樂。如意所作。皆悉自在。受無比欲。無量百千天女圍繞。常受欲樂。增長欲樂。受于無量差別。不可諭樂。種種金山。毗瑠璃峯。行虛空中。種種衣服嚴飾其身。戲笑歌舞。種種妙色。諸天女等以爲圍繞。具天五欲。若見天

色。無量差別。生無等樂。隨意游戲。是名色欲。若聞音聲。隨其所念。共諸天女。戲笑歌舞。所聞諸香。無量差別。風吹華池。蓮華之香及餘異華。山谷風吹。種種華香。以悅其鼻。古得無量種種天味。隨念具足。鹹淡苦甘。辛酢等味。有無量種不可譬喻如意之味。如是身觸。無量種業。如意卽得。冷煖溫涼。柔軟細滑。衣無縷線。種種色寶。而以莊嚴無量寶光。照十由旬。二十由旬。乃至百由旬。光明寶珠。而受觸樂。天園林中。或有華香。天子聞之。以善業故。愛樂希有。非不作生。非無因生。所作不失。非是意生。非是他與。亦非他作。而我

6 7 8 9 10 11 12 3 4 5 6 7 8 9 20 1 2 3 4 5 6 7 8 9 30 1 2 3 4 5

受報以因緣故而生果報。業果成就是持戒人隨心所念。愛心希望天衆妙色。天之細色中色近遠時生。遠時中時隨念成就無量樂法。以是丈夫善持戒故如是天衆其心著于六欲境界。欲河所漂而行游戲一一園林。一一山峯七寶莊嚴園林流泉出妙音聲。百色衆鳥出衆異音。是善業者游戲其中。種種妙色種種相貌。種種功德。種種嚴飾。令生欲火。天女圍繞種種山峯天曼天衣莊嚴其身。塗香末香以嚴其身。共諸天女于山峯中游戲受樂。隨其所念生無量欲復與天女而共往詣等不等地。其地可愛真金白銀。

青毗璠琉璃青因陀寶碑碑爲地。鈴網音聲衆鳥莊嚴。余時有鳥名不放逸見此天子行放逸處說偈呵責但受故業不作新業。業盡則墮諸法如是。業將欲盡壽命念念死來卒暴愚者不覺天子天女不覺欲染念欲時過退時將至得失多返因欲境界于衰惱中云何惡意汝以善業成就受樂復作善業將至善道若樂境界則沒有海。若離境界則得解脫。境界波力起于愛河智者捨離趣涅槃城。勇人捨欲而求真諦能知愛境三有洄渡捨離境界勿生心念如甄波迦果報甚苦。人心著樂貪馳境界集不善業流轉惡道。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

常懲護心輕動麤獷常著境鬼愛境所覆心馳諸境不覺衰惱衰惱既至乃知業果既知此業及境鬼過常應捨離世間諸縛。

如是不放逸鳥說此偈頌而此天子不聽不受與天女衆共受欲樂此諸天女生死因緣生大苦因于無識者與之共游常行險惡愛心不停常求男子心如惡毒如惡險岸能然一切男子心火與如是等可畏天女共受天樂以愚癡故而不遠避若有智者怖畏生死欲求樂者離諸天女愚癡迷惑欲覆心故雖知因于女人而得苦惱不能捨離與諸采女共受欲樂

貪欲愚癡嗔恚所覆沒生死泥與諸天女游戲受樂而不攝受無量利益遮于惡道爲心所誑于法不覺游戲園林與不正行諸天女衆愛網受樂復詣異地金毗瑠璃青因陀寶大青寶王周徧莊嚴游無量處聞歌訊音解其章句言音美妙五樂音聲勝德具足無比妙音昔所未聞新生天子旣聞此音與諸天女馳往趣林其林無量寶樹具足林名大歡喜長百旬廣三十由旬如是大林衆寶具足具大功德無量天衆百千歌舞游戲娛樂受樂時新生天子見此大林毗瑠璃樹有大光明無量香華功德華鬚無

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

量種色種種相類見此事已復見異樹毗琉璃樹真
金爲葉青寶爲枝白銀爲果天味功德皆悉具足青
因陀寶校飾其樹種種色華以嚴樹枝復見異樹青
寶爲樹真金爲枝毗琉璃葉無量衆蜂種種色類出
美妙音以爲莊嚴見之悅樂時新生天子復見寶華
猶如開日觀之可愛華中衆蜂出妙音聲復見黃金
枝葉蔭覆猶如宮室百千衆蜂其音美妙甚可愛樂
復見毗琉璃枝青寶爲葉蔭覆宮室第一寶珠種種
色鳥而以莊嚴其地柔軟寶鉢莊嚴熏以天香多有
天女新生天子復見虹色以嚴其地觀之可愛覆以

七寶平正可愛及見天女新生天子所見諸色皆悉
可愛所聞音聲皆可愛樂其所聞香有無量種皆亦
可愛隨所得味令心愛樂無量種味天味具足隨其
所觸無量諸觸令心愛樂隨其所念種種諸法隨念
即得如是天子一切欲縛欲樂不斷無量可愛無量
寶地寶鉢莊嚴天鳥音聲共諸天女入大林中復見
華池種種莊嚴分分差別或有蓮華毗琉璃莖真金
爲葉金剛爲鬚青因陀寶以爲其臺華皆柔軟復有
蓮華真金爲莖毗琉璃葉白銀爲臺亦蓮華寶以爲
其鬚種種眾峯出妙音聲復有蓮華七寶合成真金

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

爲葉七寶廁墳以爲其臺所謂因陀青寶赤蓮華寶
 眇瑠璃寶紅蓮華寶碑碣之寶大青寶王。如是種種
 衆色光明以爲其臺如一華臺無量華臺皆亦如是。
 天子見之觀無狀足隨其所見種種境鬼轉轉增長
 如以酥油灌于大火不知狀足不知狀足云何有樂
 以非樂故亦非宗滅非愛心者得宗滅心隨所得樂
 愛心增長隨愛增長不知狀足以無狀足則入近苦
 以于苦中而生樂想愛火所燒復入林中見山谷中
 無量林樹無量種光見之諦視于五境眾欲火之中
 不知狀足復入摩尼寶石之池真金玻瓈色觸柔軟

五種柔軟無有水衣衆鳥音聲澄靜淵深復見異處
 有蓮華池玻瓈色水充滿其中周市寶石以砌四面
 光明普偏鵝鴨鴛鴦以爲莊嚴蓮華嚴飾林樹圍繞
 林中多有美音之鳥如是種種莊嚴其池新生天子
 見此池中種種衆蜂七寶爲翅膀生香樹色類具足
 以爲莊嚴新生天子復前入林見有大河須陀充滿
 新生天子復見異處有乳粥河清淨飲河河流之聲
 如琴樂音或百或千處處流行多有衆鳥飲上味酒
 出妙音聲時新生天子復見陸地種種衆華色類具
 足香蜂徧滿衆華之中莊嚴大林其林先香以華香

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

故轉增百倍。新生天子與諸天女復見林中有大山峯衆寶莊嚴無量流水以爲嚴飾。樹枝蔭覆猶如宮室種種寶光無量百千衆鳥妙音見之可愛。俱翅羅音無量百千衆華普熏光明端嚴如闇浮提日月光明在虛空無量光明莊嚴天處光明殊勝無量光明莊嚴山峯天子見之復共天女入山峯中隨入山峯觀林轉勝。歌音齊等漸近轉勝聞此歌音速疾往詣昔所未見。如斯天衆舉目視之復見可愛筭箭林樹毗琉璃樹青因陀樹皆悉端嚴新生天子復入七寶蓮華筭林于此林中多有天子及諸天女妙色具足嚴身之具隨念而生。二一天衆各各異住。共諸天女飲天上味離于醉亂種種寶林筭箭之中游戲受樂入七寶池共諸天子五樂音聲歌舞戲笑歡喜受樂以愛覆心不知厭足樂著五欲入蓮華林以蓮華葉飲天上味而不醉亂復有天子心樂色聲香味觸等復有天子住河兩岸而共游戲新生天子復見寶殿筭箭如林毗琉璃寶以爲欄楯皆同欲心以上中下善業力故得上妙色五樂音聲受無等樂不可譬喻。余時新生天子本未曾見如此天衆游戲受樂既見此已與天女衆以歡喜心向天衆所。余時天衆見

足嚴身之具隨念而生。二一天衆各各異住共諸天女飲天上味離于醉亂種種寶林筭箭之中游戲受樂入七寶池共諸天子五樂音聲歌舞戲笑歡喜受樂以愛覆心不知厭足樂著五欲入蓮華林以蓮華葉飲天上味而不醉亂復有天子心樂色聲香味觸等復有天子住河兩岸而共游戲新生天子復見寶殿筭箭如林毗琉璃寶以爲欄楯皆同欲心以上中下善業力故得上妙色五樂音聲受無等樂不可譬喻。余時新生天子本未曾見如此天衆游戲受樂既見此已與天女衆以歡喜心向天衆所。余時天衆見

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

此天子衣服嚴飾上妙色身得未曾有生歡喜心亦向天子二衆和合心無妨礙共天女衆一一莞林一金峯一一華池一一酒河一一流水如是愛樂不可具說如是一切天衆受樂時諸天衆久受樂已復向一切堅固之山其山七寶無量河池流泉具足新生成天子天女圍繞共諸天衆常樂音聲山河流泉周徧充滿無量百千筭筋宮殿甚可愛樂周徧蓮華而以圍繞猶如燈樹如意之樹以爲莊嚴天衆見之生希有心其山一面毗瑠璃寶其第二面真金所成其第三面因陀青寶其第四面大青寶王四面嚴飾皆

悉平等于平正處峯谷莞林皆悉具足若念觸樂欲游戲時便上此林百千千一一天子有千天女以爲眷屬天五樂音無量音聲無量和合歌舞遊戲百千千共新生成天子于園林中華池流泉所見勝上百千億樹以爲莊嚴七寶光炎蓮華林莞此諸天衆于此諸處歌舞戲笑安詳徐步向彼大山互相愛樂善業爲伴善業所資以善業故無有骨肉及以垢汙共游須陀食河之上及游飲河以善業故色香味觸皆悉具足天子食之樂五境界食之發欲處處受樂衆欲具足受于無等無量之樂欲昇彼山見其大山

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

殊勝之處歎未曾有久乃至此大山之頂游戲山處甚可愛樂于此山頂多有無量游戲之處衆寶莊嚴林樹河池拘物陀拏徧于香林滿山頂上諸欲具足隨心所念無量種愛皆得如意皆可愛樂他不能攝如是天子久受天樂如是受樂處處徧觀復往詣于七寶山谷七寶枝覆光明善樂見衆天鳥出妙音聲宗靜之窟圍繞華池池名靜宗行處以于先世不具持戒生此池中于先世時其心堅固能說法要而身不能如說修行猶如拔兒說業果報從于地獄餓鬼中出生此池中多作鵝鳥以本生處宗靜行故生宋

靜池七寶爲翅身出光明其音美妙食于蓮華雄雌相隨以自娛樂菩薩鵝王名曰善時多住此池夜摩天王牟脩樓陀多住于此山窟之中爲天說法鵝王在池爲鳥說法尔時諸天衆游戲歌舞分爲二分一分天衆以善業故至此池所一分天衆入放逸林游戲歌舞歡娛受樂有善業者往至大池鵝爲說法見諸天衆爲說偈言

若人雖說法不能如說行此愚人空說常受諸苦惱若但爲他說不能如說行語堅而無義名爲空無心放逸故生欲因欲故生瞋斯人入惡道馳赴于地獄

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

若樂已過去。非現前可得。若現受當受。是亦不名樂。
愚人樂放逸。愛于現在樂。自業果所誑。則入于地獄。
三世愛所誑。常作無利益生死。縛眾生智者。不憑信。
愚者所親友。被害如大怨。縛世間衆生智者。不憑信。
若爲枷鎖縛。猶尚可斷壞。常求欲愛人。不能斷愛縛。
若人斷愛縛。而愛于常樂斯人離愛境。行智慧境。鬼。
智觀樂光明。說愛大闇苦智者持光明。則能破諸闇。
以智慧利刀。斫伐于愛樹。能伐愛樹人得無上樂處。
斷伐愛過林。及以多流泉。既斷愛林樹。得脫于諸有。
三道大愛河。放逸水洄渡。若昇智慧船。到安隱彼岸。

昇智慧山峯持戒谷莊嚴。以無量智明。悉見諸有過。
若人遠離法。斯人内外空。若人不樂法。不堅如水沫。
若有人堅實內外如金剛。以法行宗靜。益利他衆生。
若沒放逸泥樂于境界。樂境鬼蛇所蟄。常受諸辛苦。
是故求樂者不憑行放逸。若脫放逸有。則近無量樂。
若有智慧人。不信于放逸。若爲放逸。蟄流轉于五道。
如是鵝鳥爲調諸天說此偈頌時諸天衆以著欲樂。
而不聽受。亦不攝取。復作歌舞游戲受樂。

正法念處經卷第五十九
校譌

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

經

正法念處經卷第十一

十一

竟八

第十一葉十一行

此句法前後無誤

第十四葉一二

行復次已下當別起藏本聯

書非是今正餘復次未改

音釋

洞俗當卽

渡俗當卽

筭古郎切

筭竹列也

筭俗當卽別字轉

筭音允分允也

筭筭林竹林也

晉陵信士都澄助刻于寒山化城菴

正法念處經卷第五十九

元魏斐羅門瞿曇般若流支譯

觀天品第六之三十九

夜摩天之二十四

爾時菩薩鵝王名曰善時攝諸鵝衆以正念心利益一切衆生之心觀諸鵝衆心受快樂獨在一窟思惟念法如是善時鵝王受念法樂爲他說法以爲悅樂復有餘鵠亦思念法爾時天衆以歡喜心爲求樂故來向此處觀此大池周徧可愛一切時樹華果具足天衆觀之及天女衆歡喜歌舞游戲受樂百倍增長圍繞大池爾時菩薩鵝王見天衆已以成就慧而說

經

正法念處經卷第十一

十一

竟九

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

頌曰

智者不放逸能斷于放逸。則昇智慧臺得無上安隱。
若斷于放逸得勝宗滅道入此廣大道智慧到涅槃。
放逸能障道令心過相續以是放逸故破壞法橋梁。
能壞于善念失于解脫道以是放逸故將人至惡道。
以放逸亂心不覺時利益不知語作法不覺如死人。
雖住于天身如畜生無異放逸癡所壞或舞或歌笑。
或生或退沒當生已復滅三鬼諸衆生放逸故轉行。
造作一切過惡業之所縛迷惑一切法放逸怨所轉。
以放逸所害不知于內法亦不知外法不覺失其心。

智者所輕笑而天子行之無羞無人罰爲放逸所害。
心樂于游戲亦常樂歌舞于境界無厭退失于天處。
爲放逸所誑于怖處而笑猶如盲冥人不知道非道。
如是善時菩薩鵝王利益他故觀天衆已住于第一。
可憐說法鳥衆之中說調伏偈而諸天衆雖聞其說。
而不聽受歌舞戲笑受五欲樂繞池而住樂觀境界。
夜摩天中有三大士常爲放逸行天夜摩天衆而演。
說法何等爲三一者夜摩天王牟脩樓陀二者善時。
鵝王菩薩三者種種莊嚴孔雀王菩薩是三大士常。
爲利他而演說法或有令得聲聞菩提或有令得緣。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

覺菩提如是大士超魔境界時魔波旬作如是念此
諸大士空我境界欲捨我去入中沙門四天王中四
大天王三十三天中憍尸迦夜摩天中牟脩樓陀善
時菩薩種種莊嚴菩薩兜率陀天宋靜天王及其眷
屬此等諸人雖住我境而不屬我六天及人我使能
敗除化樂天雖我境界而有大力我不能亂我今當
遣智慧大臣至夜摩天往亂其法作是念已卽與大
臣而共籌量汝當往詣夜摩天王牟脩樓陀善時菩
薩種種莊嚴菩薩所而敗壞之汝等三人善能言語
善能變化有大勢力其三人者一名歡喜二名放逸

三名欲迷汝去當至夜摩天王牟脩樓陀善時菩薩
種種莊嚴菩薩所說法敗之時三大臣聞是語已卽
下往詣夜摩天眾至善時鵝王所到已見此鵝王威
德勇健勝相無畏其聲調伏爲諸天眾說偈頌曰
此非放逸時不應生歡喜此二法生癡死時有大力
喜煙放逸火燒無量大衆境界所迷惑無目不覺知
能斷于相續及以眾生行爲境界所迷不覺知利益
時三大臣聞是語已而說偈言

放逸最歡喜一切樂緣轉放逸故生憂云何如是說
善時鵝王以偈答曰

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

無放逸歡喜。一切樂緣轉。放逸生苦惱。故說蓮華池時魔大臣放逸復說偈言。

樂及于境。鬼放逸諸天女。及以諸技術爲第一可愛。善時鵝王復以偈答。

若法生放逸。一切皆是苦能失諸善根。行于三惡道。尔時放逸復說偈言。

或處于園林。若在蓮華池。或于重閣處放逸。故受樂。善時鵝王復以偈答。

于山園林中。曠野宗靜處無放逸。宗靜能斷于魔縛。放逸入地獄。或墮畜生中。復生于餓鬼放逸癡心故。

如是善時鵝王說是偈頌答放逸時。牟脩樓陀于金窟中遠離放逸。而脩禪定。及餘天子遠離放逸亦修禪定。牟脩樓陀既知此事來向大池無量百千天女圍繞徧滿虛空歌舞作樂。出眾妙音。近于天王不放逸。天不歌不舞于答難時忽然而至。尔時牟脩樓陀聞鵝王說一切偈頌億念知已。魔王大臣名曰放逸。三人同侶。我于餘天聞其至此。一名放逸。二名歡喜。三名欲迷。于癡人所增長重惑我。當爲此放逸大臣說十一法。答難法門。破此魔衆。尔時夜摩天王思惟此事。與善時鵝王共籌量已。從空而下。坐蓮華臺。與

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

無量放逸行天而自圍繞說此十一種勝上答難法門。告諸天衆汝今諦聽放逸之過我從往昔曾見無放逸天子名曰安隱爲我宣說令我得聞如此之法乃是迦葉如來之所演說汝今諦聽善思念之一切天衆說法鳥衆善時毘王及魔王衆放逸大臣顛倒說者爲諸世間作無利益住魔伴黨一切諦聽十一問難勝上法門所謂十一白法斷于十一垢染之法欲求真實欲求涅槃欲離魔界畏生死縛住于宗靜阿蘭若處獨一無侶欲求實諦欲滅黑闇一心諦聽何等十一勝上法門斷十一法一者以調伏斷于憍慢二

者正心不亂斷除二種破戒二者精進能滅懈怠四者曰法能斷垢法五者曰法能斷惡法六者以少欲斷于多欲七者以遠離住斷近親里八者以正語斷無義語九者正住斷于輕掉十者布施斷于貧窮十一者智慧斷于無知如是十一垢染之法縛人著于放逸樹枝欲離魔境應當斷滅畏生死者應斷放逸夫放逸者是生死本不放逸者是解脫因爾時迦葉如來欲令一切諸衆生等離生死故說如是法我昔從于先舊天子聞說此法如是天子亦從迦葉如來聞如此法爲我宣說次第傳聞我爲汝說以何

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1

等法調伏。憍慢調伏之人。一切衆生之所愛重。住調伏故斷此憍慢麤惡之法。憍慢有五。何等爲五。所謂若入聚落城邑或行道路。其行速疾。不慎威儀。或行道路或行非道。或抖擗衣或揚跋行正心之人見之。生瞋云何。此人行不順法。爲醉爲狂。是則名爲第一。憍慢如是。憍慢云何。而斷應正直行。不轉不顧。直視一尋威儀齊整。不抖擗衣。不高舉足。限齊四指。不通肩。被衣。裳。裳齊等。行不掉臂。此不放逸能斷放逸。復有四種放逸。諸比丘。比丘尼等應當斷離。所謂說無益語。心不思念。不知多少。至施主家。不喚突入。亦不

彈指。在上而坐。說于無量無義之言。而不覺知。于靜坐處。發大音聲。觀衆女人無緣而瞋。左右顧視。不觀前後。眷屬憍慢盜入他家。如是比丘。一切世人皆悉不愛。宗靜行者說此比丘名爲憍慢。在家出家皆亦如是。如斯等過云何。斷除若干施主及以餘人說正法語。前後相應觀人而說。觀心而說。依時處說。不相違說。輒語而說。令易解說。法相應說。如說如行。不觀女人。彈指而入。知時出入。亦知其相。不抖擗衣。不掉臂。行不作高唾。不大音聲。美語說法。待問而說。不斷他語。少言美語。以法語說。是名毗尼。斷于憍慢復次。

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1

第二調伏能斷憍慢云何調伏所謂比丘及比丘尼等入于他家若聞歌妓作樂戲笑游戲之中于他言笑不聽不樂不味不願不作多語不說他惡不自嚴飾而至他家不數數入不常乞求如是比丘入于他家若本施主若至異家以此調伏而斷憍慢復次第三比丘至施主家離說法語說世俗語說國土論說生天論說干遊戲歌舞之論說于過去染愛之事近女人坐著雜色衣而入他家若比丘等如是憍慢熾然增長何等毗尼能斷滅之所謂若比丘比丘尼等入于他家說出家法說布施論說持戒論讚智功德

說于無常敗壞之法說老說病說愛別離說自業作說死離別說知足法說調柔法說苦說集說滅說道說他進退說破戒過說厭離法說斷慳法色憍慢人爲說色過爲說食過無常破壞說少壯過必歸老壞觀人淡心相應而說如是比丘以調伏故破壞憍慢復次第四調伏斷除憍慢不數受于多請飲食若更有人貪著食味不知厭足喜至他家亦不親近隨其所得衣服飲食臥具醫藥若多若少知足受畜不念他樂亦不味著不生覺觀一心而行調伏而行正威儀行調伏比丘及比丘尼等調伏之法如是憍慢以

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

調伏法而斷滅之一切。嬌慢放逸故生放逸爲本于諸功德皆無利益是故欲求涅槃應斷放逸如是夜摩天王半脩樓陀善時鴻王爲魔王大臣名放逸等現前爲說往昔天子從迦葉如來二蘋三佛陀次第傳聞爲魔衆說云何第二問答所謂于不持戒正念現前而斷滅之戒有二種世間出世間略說心爲能持戒有多種略說二種一者性重戒二者離惡戒若破性重戒則非迦葉如來弟子性重戒者所謂殺生非梵行偷盜具滿三鉢梨沙槃或盜佛物或盜法物盜已食之心不悔過亦不還償覆藏不說如是比丘

則非迦葉如來弟子腐爛敗壞不名法器但以妄語莊嚴衣服是名破于性重之戒以放逸故是故迦葉如來告諸比丘應離放逸如是夜摩天王爲善時鴻王菩薩說法鴻衆及魔王衆放逸臣等坐蓮華臺半脩樓陀說如是法復次第二離惡略說九種何等爲九一者淨修一行二者常速悔過三者順行四者平行五者多行六者輕犯卽悔七者說道盡行八者破壞行九者一切行是名九種離戒一切愚癡凡夫或沙門沙門等以放逸故名不覺者名無智者惡不淨行云何一行云何離惡輕慢惡見以放逸故毀破輕

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

戒破已復悔。所謂掘地斬艸是名一行。若沙門沙門等若放逸行毀破輕戒還復悔過如是沙門破一行戒或一或二或三破輕戒已我還悔過如是數作數悔是名捨離惡戒非敬重法非離放逸心常散亂是名破戒悔過行云何順行放逸增長輕心輕戒不勇猛學戒能說能知破戒因緣知實不實于戒法中知破重戒得大重罪堅持不犯若有難緣破于輕戒不持不敬不重正法是名破戒悔過比丘若沙門沙門等云何半行惟學戒法知重知輕或持不持其心思念護餘戒衆如是攝心行于半戒餘戒不行是名半

行比丘行放逸行放逸所使住放逸境不能速得涅槃云何多行若比丘比丘尼或沙彌沙彌尼優婆塞優婆夷具足持戒如是順法多行多持離戒不缺不穿不虛雖堅固持不能盡護是名多行若沙門沙門等云何輕犯速悔如是比丘或放逸故或近惡友于戒慢緩速悔令淨或畏地獄惡道之苦尋則悔過令心清淨干僧前說我作不善心不覆藏悔已不作是名比丘犯已隨悔云何比丘說道盡行若比丘比丘尼等或于重戒中或破或緩或以放逸或近惡友速向師悔或布薩時向衆僧說心不覆藏衆僧示導得

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

經

正法念處經卷五十九

九

龍光

聞道故不復更作畏三惡道不破不緩是則名爲善時。毘王說道盡行云何破壞行盡形慢緩離于禪誦心不愛樂游天廟中爲求衣服飲食處處游行施主之家親近俗人爲其驕使以求安樂是名破壞行如是比丘身壞命終墮于地獄善時云何一切行信一切法毗尼爲他人說于輕戒中或不能持一戒二戒或以性故或無習故不能具持非不敬重作已悔過善時是名一切行其惡薄少若比丘比丘尼等少惡破戒一切皆由放逸過故如是夜摩天王住蓮華臺爲善時。毘王說法鳥衆魔王大臣名放逸等說如是

法尔時夜摩天王牟脩樓陀以偈頌曰

爲放逸所盲飲于放逸毒放逸之所縛將入于地獄若人放逸行世間所輕賤現得不利益命終入地獄癡人于晝夜或住或道行一切放逸者不得一念樂以其放逸故流行于欲界輪轉五道中或從禪中退若得世間定生于無色處輪轉于諸有皆由放逸故一切三界中爲于愛網冒放逸之所縛癡人不覺知如是夜摩天王于往昔時從舊天子次第得聞迦葉佛經爲善時。毘王說法鳥衆及魔大臣放逸等說于十一法中已說三法何等爲三一者調伏斷于憍慢

經

正法念處經卷五十九

十

龍光

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

二者正心不亂。斷除二種破戒。一者性戒。二者離戒。若種善根。親近善友。破性重戒。近善友故。得脫生死。何況離戒。是故智者。應當勤求近善知識。三者捨離。一法云何。一法所謂懈怠。捨離懈怠。勤行精進。若能精進。則能滅于一切懈怠。猶如放逸于一切法。能作無益。一切善法。親近善友。以爲根本。復次第四白法。能斷垢法。何等白法。以勤精進。斷于懈怠。譬如光明。滅一切闇。以勤精進。斷除懈怠。亦復如是。夫懈怠者。害一切法。隨生懈怠。轉轉增長。能壞世間出世間法。現在未來不可稱說。無量諸法。懈怠之人。勢力薄少。

人所輕賤。亦復不能修理家業。貧窮下賤。不能營作。治生賈易。耕田種殖。及以餘事。悉不能作。不能親近善友。知識以懈怠故。人所輕賤。皆共指笑。不學智慧。癡無所知。不知時處。不知自力。不知他力。若依時節。應有所作。現在未來。一切應作。皆不成就。若人精進。則能斷除。如是懈怠。衆人所憂。衆所敬重。初夜後夜。心不疲倦。雖睡易覺。知時而起。知時而臥。知時相應。思惟而作。堅固精進。精進爲伴。以精進水滌懈怠垢。一切所作。離垢成就。有所作業。或得衰惱。精進不退。不怯不倦。不間不息。若作大事。精進伴故。則能成就。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

而不毀壞。凡所造作。不假他人。識好惡人。知自他力。善人所讚。眾人供養。或王大臣之所供養。大富大力。一切鬪諍。無設爲敵。諸大力人。不能破壞。善友爲伴。知識增長。多善友。故有大勢力。多受安樂。隨所行處。若至異方。常得安隱。若游餘方。善人親近。隨所有人。親近其人。致敬供養。以禮待之。離懈怠。故得如是。等無量功德。被大堅固精進之鎧。離懈怠垢。能破魔軍。能出生死。一切善人之所愛敬。發勤精進爲同伴。故復得出世間無漏無垢。得涅槃道。初堅牢惡塵垢之處。緩而難脫。以此家宅縛諸世間。妻子眷屬姊妹兄弟。

弟。奴婢田宅財物倉庫。大愛瀑河精進爲伴。則能離于生死怖畏。捨家出家。服三法衣。精進爲伴。于家縛中。勤精進。故而得出離。得無住道。勤修禪定。習誦正法。欲入涅槃。而得解脱。知時所應。發勤精進。如實知于身口。出沒諦知自相。如實知于陰界諸入。生滅等。相。晝夜不息。精進不懈。親近善師。以智方便。發勤精進。習道盡過斷無始流轉生死之縛。如是懈怠。一切無利。猶如闇冥。一切衆生不利益事。是堅固惡以精進。故則能滅之。其人如是。隨所得道。隨其所得。發勤精進。則能散滅。一切和合不樂煩惱染縛。境界詎惑。

6 7 8 9 10 11 12 3 4 5 6 7 8 9 20 1 2 3 4 5 6 7 8 9 30 1

一切愚癡凡夫。愛詐親善。是色香味觸境鬼之中。猶如惡賊。劫善法財。破壞善法。能作一切無利益事。不愛果報。非愛財物。惱亂一切愚癡。凡夫能令迷亂。是故應當捨離。境鬼不應味著修解脫道。令心清淨。隨心清淨。則能精進正念無疑。以正修行。破壞怨家。復以精進爲伴侶。故能斷貪欲瞋恚愚癡。正觀答斷。不受諸有殺。怨家已如閻浮提中。觀于虛空淨無雲翳。日月清淨光明顯耀。其人清淨亦復如是。如病得差。如貧得財。猶如盲人行大曠野。失于正路。得道得眼。其人如是以持禁戒正修行。故修行現證我生已盡。

說頌曰
梵行已立所作已辦不受後有。如是離于塵垢于一切縛而得解脫度于彼岸。智慧勇猛離于塵垢。一切皆由精進伴。故是故發大精進能斷懈怠及以放逸。生死諸縛。爾時夜摩天王。牟脩樓陀以迦葉佛偈而

發于精進念常樂。獨靜處得脫于惡業。智慧得涅槃。發精進爲伴。離于懈怠垢得脫曠野怖。是人得常樂。懈怠及放逸能障一切法。以此大過故。令衆生苦惱。若求現未樂。應離于懈怠。放逸懈怠人如狗等無異。如是夜摩天王爲善時。鵝王說法。鳥衆魔王大臣放

6 7 8 9 10 1 2 3 4 5 6 7 8 9 30 1 2 3 4 5

逸欲迷等說彼迦葉如來經典從昔天子傳聞而說復次第五白法能斷惡法何等惡法所謂樂入城邑聚落常習饗聞不樂住于阿蘭若處壞沙門法云何壞法如是比丘離于修禪及以讀誦或入聚落或入城邑處處樂住白衣之家或共男子或共女人多有言說若共女人言語談說能繫縛人失一切利益或生欲心何以故女人如火近之轉近若近女人漸令心亂以是義故比丘不應入于聚落城邑之中若共丈夫言語談說失于一切自利之事于無漏法心不清淨如是比丘自壞其法復次若有比丘樂入聚落

及以城邑得多過咎得何等過以入他家令心惱亂見白衣舍富樂飲食牀褥臥具心生貪著猶如食吐離阿蘭若游于人間捨道入俗捨閑靜樂爲家所縛行貪瞋癡以是過故復墮地獄餓鬼畜生以何因緣得如是苦由其樂入城邑聚落是故比丘若欲得地應離此過云何捨離以住阿蘭若故能攝一切無住功德無住所攝第一安隱若有比丘獨住在于阿蘭若處諸根宗靜其心清淨意如鍊金第一安靜善護諸根離于怖畏離于垢汙第一安隱得無漏樂六欲天中一切欲樂作善業故一天之樂可愛無等況復

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

經

正法念處經卷五十九

古

竟九

六天。一切諸樂若得盡漏。一念之樂無方譬諭。一切思量笑數不能譬諭。是故若求第一義樂應離憒鬧不入聚落以求禪定三昧正受常獨行于山谷巖窟阿蘭若處。若艸聚邊獨一而行。求無漏樂遠離知識親里眷屬當觀知識親里之樂無常無住是別離法非無住處濁垢惱亂無有自在多懷怖畏是故若有愚人智慧薄少捨第一義樂求有漏樂名相似樂其人則爲遠離光明而求黑暗癡人退沒以其不知功德過相是故應當捨離聚落城邑之樂常獨住于阿蘭若處如是離于聚落城邑住林樹間得無住樂是

名第五以白淨法斷于垢業若欲求樂欲離魔境以白淨法斷除垢法如是牟脩樓陀知說法鳥衆其心調善善時菩薩利益他心爲說迦葉佛經從昔天子次第傳聞爲魔王大臣放逸等說十一法中已說五法餘有六法今當次說汝集一心今正是時汝今已得離難具足若不說法若不聽法是大欺詐是故已得離難具足諸相具足當爲說法三種惡道地獄餓鬼畜生之中云何說法云何聽法畜生之中互相殘害餓鬼飢渴地獄苦逼云何聞法若人天中不放逸行則能聞法我離放逸汝善信心汝今諦聽當爲汝

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

說法難得聞離難具足亦復甚難復次第六垢濁欺誑云何垢法所謂多欲夫多欲者第一垢染惡貪住處云何而滅當以知足則能滅之若多欲者在家出家不得安樂若在家出家其心多欲常于晝夜不得安樂若得物已心不宋靜所得財物不知厭足在家多欲未足爲妨如出家人若出家多欲不名在家不名出家云何名爲出家人也斷除憍慢嫉妒多欲以要言之若多欲者一切輕毀若有比丘意多所欲常希財物如是比丘于善法中心不清淨心不淨故諸相不淨行亦不淨若以憍慢經行僧地乃至一步則

入地獄何況臥具病瘦醫藥而無罪過純地獄行若破戒多欲而行惡法實非沙門自稱沙門猶如野干著師子皮如虛僞寶聲如蟲聲內空無物若多欲比丘自稱我是迦葉如來聲聞弟子迦葉如來法中出家多欲所燒過于大火多欲迷悶過毒人身多欲傷人過于衰老多欲利刀伐于善樹過于刀害多欲之患過于惡病多欲之心常求人便欲斲人命過于怨家求便害人定故當知此多欲過破壞二世應當捨此多欲垢穢晝夜思惟終不得樂余時夜摩天王牟脩樓陀說迦葉如來所說偈言

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

多欲如利刃斬害愚癡人。捨之如刀劍利害盲冥人。多欲大惡瘡若生于心中。其人貪欲故晝夜不得樂。欲火億念薪愛風之所吹。猛火大熾然焚燒眾生心。以貪覆心故令人心輕動。愛著財物故而喪其身命。若人于世間造作諸惡業。皆由貪慢故智者如是說。若人心勇決能入大火中。皆由貪心故自作無利益。若刀惱亂苦若種種鬪諍。皆由心因緣親近愚人故。當知此衰惱皆由貪過故不應親近貪智者如是說。如是牟脩樓陀爲善時鴉王說法烏衆魔王大臣名放逸等。說此大過云何斬除富以白法云何白法所。

謂少欲夫少欲者名曰一切安樂之法。若人少欲常得安樂。其人不畏王賊水火。欲之人愛財物故親近他家以求財物。近于小人以求財物。若人少欲則不至于惡人門下。不作妄語不作虛誑歌舞戲笑不作綺語不作惡業。不爲貪財欲火所燒見他得樂不生憂惱不爲貪財近惡知識不生疑慮若行道路不畏盜賊離于怨家人不求便不畏罰戮在家之人若能如是則無所畏離諸怖畏一切安隱何況出家遠離過畏離在家法住林樹間若復來至在家人所多有所求當知是人食吐無異于沙門中第一供養所。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

謂少欲。少欲比丘知足清淨。名稱普聞。惟受一食。惟著糞掃衣。惟獨無侶游于山谷。巖窟艸聚。惟處塚間。于食三分。惟食其二。若乞食時。遠避知識。不近親里。惟畜一鉢。執持錫杖。隨得供養。以智思惟。捨之而去。若行道路。前視一尋。不左右顧盼。捨離美味。不食宿飲。于聚落中。限至三宿。于城邑中。乃至七宿。不坐寶飾。莊校之座。于本親里眷屬知識。捨之不往。不忘王者。甘味美饍。牀褥臥具。不說勝姪親近善友。性行同類。與同戒者。言談語論。如是比丘離惡離濁。少欲知足。能斷魔縛。若有多欲。破戒比丘。而所著袈裟天及。

世間無間大惡。如病如賊。知足比丘諸根不行色聲香味觸境。鬼之中。住于露地。則能利益一切衆生。攝持心意。循于身法。受心念處。攝持心意。于生死中。守護諸根。以知足故。名爲比丘。若有比丘。欲行少欲。不放逸故。則能少欲。以放逸故。則生多欲。在家出家。皆亦如是。尔時夜摩天王。以偈頌曰。

若不放逸者。則得解脫果。若其放逸者。則墮于地獄。放逸不放逸。此說其勝果。若日若闇冥。若解脫若縛。放逸不放逸。其義亦如是。少欲則安樂。多欲則苦惱。如斯苦樂相智者之所說。若多欲衆生。其心常如火。

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5

少欲如涼池漂浴離貪人如火得乾薪燒之無狀足
多欲人貪財無狀亦如是貪人于晝夜常無有安樂
以其多樂欲愛箭狀其心過去無量王貪財無狀足
未來亦如是一切皆磨滅是故智者說少欲最爲樂
如是夜摩天王住蓮華臺爲善時鴻王說法鳥衆魔
王大臣名放逸等說迦葉如來第六經法
正法念處經卷第五十九

校譌

第十五葉九行

飢餓之飢北藏誤作饑僅之饑今正

第十七葉十四

行

錫杖通作銅錫山錫按義一名聲則知當是錫字潛體作錫今正

晉陵信士都文禎助刻于寒山化城菴

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1

系

正法念處經卷五十一

第九

正法念處經卷第六十

元魏槃羅門瞿曇般若流支譯

觀天品第六之三十九

夜摩天之二十五

復次夜摩天王善時鵝王及說法鳥衆現前爲令魔王大臣放逸等得調伏故說迦葉如來修多羅從昔天子傳聞而說已說六種白法斷除塵垢我今當說第七垢法白法能斷何等垢法所謂見本生處而生樂心樂見親里遠離斷之知識親里心常樂見常念親近晝夜不離不樂修禪習業不近善師供養三寶不念未來業于三業中不爲他說亦不自作但念親

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

里欲見親里知識親舊云何修理生業以何自活作
 是念已憂愁所覆雖爲解脫住林樹間不隨順行是
 爲無智心入憂海既入憂海復入無等生老病死大
 憂海中欲見親里親舊知識入魔網中見親里故增
 長愛心家家請食便生貪心隨俗所作聞在家者有
 所言說心則樂著以心樂故如其所作失自利益愚
 癡故退不畏未來惡道之苦亦不思惟地獄餓鬼畜
 生及餘生處亦不思惟現在怖畏老病死苦愛別離
 苦怨憎會苦亦不思惟一切所愛皆當別離以怖親
 里知識親戚而行出家還復習近樂于親里知識親

舊愛他飲食數至他門身壞命終墮于惡道或生地
 獄或生餓鬼或生畜生所爲出家皆悉退失卽墮地
 獄餓鬼畜生受大苦惱親里知識莫能救護是故一
 切比丘若畏地獄餓鬼畜生不憚樂見生處親里及
 諸知識以近此故得無利益爲念愛盡義故而行出
 家斷除愛網以愚癡故習近愛網如人畏火捨之逃
 走更入大火如是畏家捨家出家還入畏處亦復如
 是捨離親里入林樹間還復習近是爲無眼無知所
 閉諸根不調是名染法云何而斷若不能以智慧斷
 除或不能遮或不能持應當長久遠避遮之若無智

人不能以餘方便斷愛當遠避之一切人愛以不見故斷一切愛法皆當別離至于死時無人能救惟除善業無量百千生處善法之業最爲能救非諸親里能救于人亦非兄弟如是比丘捨離親屬獨處閑居能斷垢法老病死時非諸親里而能救護比丘如是思惟斷一切愛或得微薄是名比丘斷親里愛復次在家出家斷于第几染法何等染法所謂無義語以正語斷之若在家人空無義語衆人輕賤猶如艸芥雖復富樂猶名貧窮空無義語空而無實人所輕賤有義之言第一財物諸餘財物所不能及無義之言

猶如白羊無言說財智人視之猶如畜生第一輕毀
如是等法云何而斷空無義語所謂正語正語有二
何等爲二一者嘿然二者四種正語何等爲四一者
不妄語二者不惡口三者不兩舌四者不破壞語是
名正語在家出家若能如是則不輕毀在家出家有
六因緣速爲人輕何等爲六謂無義語突入人家貪
愛他食坐于尊處虛說無實如是六法人所輕笑在
家出家應離此法復次第九垢染白法能斷云何白
法斷于垢法謂輕掉法止住能斷輕掉法者障一切
法心性輕掉以掉動故不信不覺不知世間所作不

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

知言語不知時節。不近善友。以輕掉放逸故。于世間法不能了達。如是輕掉惡垢能敗現在及未來世。不得利益。在家出家應以正住白法。斷除輕掉。在家出家。若身口意離掉。正住衆人供養。正戒正智正意離魔境。善法滿足。終得涅槃于世間法。知者讚歎。世間所作皆能成就。衆所供養所至之處。常得安樂。所作成就如是。在家出家離于輕掉。爲一切人之所讚歎。復次夜摩天王。牟脩樓陀爲說法。鳥衆善時。鵝王。及以魔王放逸大臣等。以本曾從舊天子所次第傳聞迦葉佛經。爲天衆說。復次第十垢法可輕可毀智。

人所捨何等垢法。所謂貧窮。貧有二種。一者貧戒。二者貧智。復有二種。一者貧施。二者貧慧。復有二種。一者貧種姓。二者貧見。復有二種。一貧寶物。一貧師尊。復有二種。一貧親族。二貧親舊。一切貧窮皆可輕毀。若男若女。云何而斷。所謂布施。一切貧窮布施能斷。譬如燈明能滅諸闇。一切愚癡智能滅之。一切異見。正見能斷。如是非佛法能斷之。第一最勝。一切智者之所愛攝。斷衆惡道。現在未來二世安隱。云何布施。施有多種。所謂智施。戒施。安慰施。示正道施。失道路者。示道路施。于道行者。示以水施。命施。資具施。無

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

畏施實語施斷疑施五戒施出家戒施具足戒施病
醫藥施眼目等施如是等種種布施能利現在及未
來世猶如父母常思修已斷諸貧窮斷于惡道于天
人中而受安樂既受樂已終得涅槃如是布施能斷
貧窮是故智者應行布施復次第十一闇法能縛生
死闇障諸法何等闇法所謂無智無量無知乃至無
明闇縛一切生一切闇聚以縛其頸無知如刀如火
如毒無知亦如一切無明一切無明因緣而起能令
流轉一切地獄餓鬼畜生能縛眾生令其流轉如是
怨垢云何斷除謂無漏智猶如明燈爲救爲歸于諸

衆生如父如母猶如醫師亦如良藥斷無知縛更不
復生如斲樹根樹則不生如火燒薪不復更生亦如
流水不復更返以無漏智燒于無知亦復如是不復
更生是故應當于一切時勤修精進以無漏智斷除
無知如此所說十一種法放逸根本隨逐放逸放逸
故生是故應斷一切放逸一切放逸根本皆無利益
能成放逸譬如依大地故故有一切藥艸樹木叢林
流水河池堤塘城邑聚落園林及須彌山王皆依大
地一切地獄餓鬼畜生亦復如是皆依放逸是故智
者應當捨離尔時夜摩天王以偈頌曰

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1

老人身皮皴無力拄杖行老而不知法皆由放逸故以病破壞身偃臥于牀席而不生厭離皆由愚癡故若遇于飢渴若入險惡道而不生厭離皆由愚癡故若得愛別離而生于苦惱一切放逸故如來如是說若干五道中具受種種苦衆生常苦惱以其愚癡故嗚呼不厭離生死諸世間諸業大輪轉循環不暫停三界皆無樂亦無有少常如是愚癡人不知生厭離境界皆虛空三界猶如夢一切皆悉苦無目不見知如是愚癡人爲放逸所害死畏欲至時無有能遮救爲于不善觀惱亂其心意死王欲將去而人不覺知

死王將欲去奪人保命心二種無利益惱害諸衆生老病死等苦以放逸故生追求惱人中放逸害諸天飢渴惱餓鬼地獄苦所惱畜生多愚癡迭互相殘害如是衆苦惱惱害諸衆生以順非法行放逸愚癡故猶如依大地生諸藥艸等放逸亦如是增長諸煩惱此魔王軍衆第一大臣等摧以智金剛如日光除闇于此所說中知功德及過放逸畢受苦無放逸畢樂如是夜摩王無量分別說放逸之過惡不放逸功德老病死諸苦愛別怨憎會無量諸衰惱偏滿生死中若人知方便遮于未來苦惡業是苦因不作惡業樂

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

滅煩惱最樂智者如是說。此是涅槃道真智所演說。調伏不放逸。住于閑靜處。勇猛離貪心去涅槃。不遠離怨及親友。滅除于有欲境界。不放逸去涅槃。不遠若人捨離惡修行。慈悲心怖畏生死者。去涅槃不遠。以智斷煩惱。智慧心清涼度于懈怠垢去涅槃不遠。與四諦相應斷于三種過于諸相自在去涅槃不遠。知阿那般那修行二種相解了智所知去涅槃不遠。若脫于過畏。若樂不縛心以能度彼岸。是故名牟尼。如是夜摩天王爲說法。鳥衆善時聽王說迦葉如來正法經典。離放逸故。如是無量正法調伏妙音勇勝。

說法。爾時魔王軍衆放逸大臣聞正法已作如是念。我今不能轉動夜摩天王如此之法。難知淡法不可回轉。作是念已。具告同伴。今此牟脩樓陀此法道中不可轉動。乃至一句如是魔臣共思惟已。勢力劣弱。本念破壞失大威德。飛昇虛空于須臾頃還至他化。自在天宮。魔波旬所到已時。一切魔問使臣言汝所作事如億念不事究竟。不時三大臣聞是語已。白魔王言。天王我失勢力。夜摩天王牟脩樓陀有大智慧。于正法中乃至一句不可動轉。及其天衆亦復如是。我不能亂。時魔波旬聞此語已。作如是念。放逸行天。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

我能令其住于欲中雖有大力以放逸故住我境界
 作是念已告天眾言却後我破夜摩天汝勿急速
 我有大力悉能壞亂一切天眾後當破之時魔波旬
 說是語已復受無等六欲之樂于放逸地轉增無量
 量種法魔軍放逸既退還時諸天眾所作已辦尙
 時新生天眾游戲歡娛于園林中來向天王說法之
 處及善時毘王說法鳥眾尙時夜摩天王見此天眾
 告善時言汝觀如是放逸行天今來向此我今當游
 宋靜園林說是語已飛昇虛空入宋靜林此諸天眾

放逸游行五欲具足園林池中娛樂乃至愛業所集
 業盡隨業流轉墮于地獄餓鬼畜生若有餘業生于
 人中財富具足爲世大人或爲大王或爲大臣大樂
 之處衆人所愛以餘業故復次比丘知業果報彼以
 聞慧見夜摩天所住地處名一向樂眾生何業生彼
 地處彼以聞慧見有善人持戒不殺不盜如前所說
 復捨表姪不犯表行第一難持能捨不作若見禽獸
 牝牡和合不生心念捨不欲見亦不思惟于表行報
 生怖畏心是故捨離見表行者勸令不作說表行報
 令住善道以此因緣說如是法言是表姪得不愛報

6 7 8 9 10 1 2 3 4 5 6 7 8 9 30 1 2 3 4 5

畢定墮于地獄之報既自不作教他不作如是之人自利利他身壞命終生于善道夜摩天中一向樂地以善業故樂常不斷無量諸樂皆悉增長于此地中有諸園林見之愛樂如意之樹一切欲樂隨念皆得于園林中愛樂受樂新生天子有諸園林一名光明樂二名流水樂三名山聚樂有蓮華池名曰雜池有名香流復有園林山池復有異山天之功德無數具足林池可愛新生天子游戲受樂千倍功德所謂摩尼欄楯池次名眾鳥音樂池次名天歡喜池次名常游戲池次名受樂池次名無濁池次名實有池次名

見當有池此池周徧有諸天鳥出妙音聲色量具足充滿池中如意之樹徧于池側無量功德皆悉具足以善業故與無量天女受五欲樂諸天之色隨念順行樂觀不離天第觀之受五欲樂以其持戒集善業故得如是報于華池中游戲歌舞受五欲樂如是五欲渴愛刺林復以天女而自圍繞于摩尼莊嚴間錯之池復往詣于餘蓮華池莊嚴之山游戲受樂天鬟天衣五境鬼樂目視可愛昇此山上欲受快樂所上山峯名曰山谷甚可愛樂于彼山上復有餘天天鬟天衣以自莊嚴從金山下天衆圍繞游戲而來百百

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

千千相隨而下新生天子見諸天衆問天女言如彼
天衆共諸天女遊戲受樂我亦如是遊戲受樂諸天
女言願隨其意時初生天子知天女心共諸天女圍
繞遊戲第一歡喜五樂音聲以爲歌頌二衆共集游
戲受樂不知獸足山上有鳥名曰山冠孔雀王爲諸
天衆以偈頌曰

世間業莊嚴天亦業莊嚴天處無常故業盡還破壞
世間愛和合不愛于別離和合必有離世間法如是
心愛樂諸樂爲境鬼所誑諸天命速盡如心之生滅
老病死破壞離別一切人常有此死法愚者不覺知

老使次第來死時垂欲至爲病軍能破愚者不覺知
六種失人身五根能破壞如人失正道處處皆障礙
若人念因果常念而不失是人見實果于後不生悔
若人于境鬼實見不貪著此人于愛境則能速得脫
若脫于愛網則度惡曠野能遠放逸火是人大智慧
五種大怖畏壞一切世間以其自業故老病死別離
如是山冠鳥種種莊嚴孔雀王苦提薩埵以願力故
受孔雀身利益他人及利孔雀爲天說法斷除放逸
余時天衆見新生天子心生歡喜以放逸故于善法
語心不信受或歌或舞遊戲受樂五樂音聲于山峯

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5

園林有無量種不可譬諭金光明窟如意之林莊嚴此山無量衆鳥百千山河華林莊嚴共諸天女具一切欲天樂具足無量游戲如是天眾游戲次第昇雜摩尼間錯之山于此山上有七寶樹如意之樹莊嚴其山縱廣五由旬于其林中有孔雀王名種種莊嚴住在此林爲天說法爲令天子諸天女等離放逸故麥說法故游園林中蓮華林中種種雜林河泉流水山峯之中寶莊嚴處百千衆鳥妙音之處一切天眾莊嚴之處諸天女衆莊嚴之處多有天子天女和合受樂此孔雀王則至其所以善業故受種種樂一切

游戲如是游戲無量差別不可譬諭隨念皆得尔時孔雀王于摩尼間錯山峯之中見諸天眾受放逸樂爲令天眾離放逸故以偈頌曰

現在若未來色境無狀足億念火所燒數數求境界雖得生天上生已還歸滅爲業網所縛復墮于地獄出受鬼畜生受無量苦惱衆生行五道以業因緣故衆生種種業甚多不可量故得種種果天中無量樂業盡故還退有生則有滅見于真諦者能見天退滅此死時欲至其命則破壞一切能惱亂愚者不覺知以種種調伏種種說利益天眾樂所迷而不生狀離

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5

善語法相應二世得安樂。愚者不攝受後則生大悔。以多法調伏語真義亦明而天著放逸不知真利益。死怨害天命。大力無能救。大力速馳奔。死時欲來至諸天龍夜叉。乾闥毗舍闍。一切無能敵。是故死力大。若知力無力。是人真知業。不爲惡業。汙不行于惡道。常修行諸善。離不善境。鬼如是作業人。則無衆苦惱。隨順于法行。增長信精進。三昧力相應。如母利益子。善法于五道。一切能救護。非父非母力能行于彼處。信順于正法。能救惡道苦。隨其所至處。信常有大力。如燈能除闇。如病得良藥。如盲者得眼。如貧人得財。

如水漂溺人。信爲大船檣。若人放逸行。信爲能除滅死時得信故。能除生有海。則得宋滅處。古世牟尼說。以得信力故。名正智修行。信及不放逸精進知止足。集智近善友。此六解脫因。施戒善。宋滅慈心利衆生。及行悲喜捨。此法得因緣。輕躁近惡人。麤獘喜妄語。表見放逸行。此法地獄因。慳嫉苦惡語。放逸行離善心。常貪他物。聖說餓鬼因。近癡離智慧。愛欲遠正法。貪食樂睡眠。佛說畜生因。若人身口意作三種不善。如是無智人。則墮于地獄。若作如是因。受果則不差。如種穀得穀。善惡業如是見。此衆多人作生死苦因。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

如是愚天衆而猶不覺知放逸初雖樂後則大苦惱
若法後時苦智者應捨離乃智未解脫終無有少樂
若得解脫者常樂得成就無常放逸樂智者所不說
若得常樂者智者說爲樂上下次相續諸業皆如是
其果亦如是上下而不斷既知業果已應捨離放逸
當起智慧心此樂爲無上

如是孔雀王菩薩種種方便爲天說法斷除放逸種
種無畏美妙音聲悉蔽諸天歌詡之音以善業故其
聲徧滿二萬由旬聞者悅樂法樂相應爾時諸天衆
爲求樂故空中旋轉如四天王行使天等或去或來

此諸天衆亦復如是爾時兜率陀諸天衆聞此聲已
七萬天衆從上而下敬重正法放逸薄故向夜摩天
種種莊嚴孔雀王所時種種莊嚴孔雀王菩薩知兜
率陀天以心歡喜告諸天子善來真人少放逸故能
來至此求未來果若欲得聞種種法要汝當速下如
我所聞宗靜之法當爲汝說我已修集能至涅槃我
于往昔所聞之法一切師等本所不聞我于迦羅村
陀佛所得聞此法生生之處以願力故常不忘失爲
他人說爾時兜率陀天聞孔雀王說是語已從空中
下敬重正法于山峯中大衆共會山峯之中無量蓮

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

華池無量流泉無量寶性無量衆鳥出妙音聲于摩尼間錯山峯之中圍繞孔雀王四面而住威德殊勝色相具足一切光明勝夜摩天如夜摩天比闍浮提人兜率陀天勝夜摩天亦復如是時夜摩天見兜率天破壞色慢及自在樂往詣孔雀王菩薩所有樂游戲入于林中未曾見于兜率天故瞻仰而住或上山頂欲求游戲復有諸天圍繞孔雀王四面而住尔時孔雀王菩薩告諸天眾有二十二法我今當說我所敬習利益天人第一安樂一切衆生令得正行此二十二法利益安樂天人愛法現在未來天人愛法能

斷放逸滅令不生若諸天人能離放逸常得安樂乃至涅槃此法利益父母利益所不能及何等二十二一者悔心二者畏惡道三者忍四者精進五者說法六者悲心七者軟心八者調伏九者信業十者不住壞處十一者住心十二者畏惡名十二者不樂著十四者獨行十五者心不散亂十六者念死十七者離色富財種姓嬌慢十九者軟語十九者于一切衆生起平等心二十者知足二十一者畏于境界二十二者捨不信心此二十一法若天若人如實修行不墮惡道速得涅槃云何名悔云何悔已而得安隱既生

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

經

正法念處經卷十一

一

竟十

悔已斷不善法云何生悔若見他人造作不善身口意業他作身業而呵毀之應生悔心不共同住若有因緣自起不善覺觀之心隨生卽捨不生億念不味不著內心生慚愧于他人勤修精進令其不生不受覺觀心呵惡覺觀譬如大坑滿中糞屎死狗不淨有清淨人入中求淨旣入坑中不淨沒咽尔時其人心生厭惡若有起于不善覺觀其心生悔亦復如是譬如異人常求淨行以不知故誤食糞穢或有強力怨家強令食糞食已惡賤心生悔恨後更不食若有行于善業之人慚愧呵毀不善覺觀亦復如是勤修精

進斷除覺觀是名初法不生放逸斷除放逸破壞放逸是故天人應當修學若有善人欲求真諦怖畏生死若生微少不善覺觀應生悔心不生願心不生放逸不放逸人能起悔心放逸之人則不能悔如是一法諸善業之根本也所謂斷除不善覺觀而生悔心是名初法復次第二善法增長善法所謂畏于惡道名大出法滅于放逸能斷放逸一切人天畏惡道行若有沙門若婆羅門若復餘人若畏惡道不作惡業若見他作亦不隨喜知不善業墮于地獄餓鬼畜生是故不作惡不善業惡業之因墮于惡道何以故于

經

正法念處經卷十一

一

竟十

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

少惡業習近喜樂令惡增長墮于地獄餓鬼畜生是故沙門若婆羅門及餘畏惡道者應如是學常懲怖畏不善果報甚爲大惡成就地獄餓鬼畜生放逸行人少智之人若能如是畏惡道者不作放逸不作身口意二種惡業如是之人常修善業捨不善業是名畏惡道譬如有人知自他力畏于毒蛇及以刀火能斬人命畏惡道者怖畏惡業亦復如是如是之人在微細業捨而不作不行放逸捨放逸故生天人中受大富樂受富樂已後入涅槃以勝樂故無死無變無退無盡是故常懲怖畏惡道若有沙門若婆羅門及

餘行者能如是行得無上處彼時世尊說此偈言
 若人畏惡道應捨放逸垢修善求功德則到涅槃城
 若人畏惡道其人心正直以其正心故從樂得樂處
 若不畏惡道則多造惡業爲惡火所燒將入于地獄
 譬如微少火雖小亦能燒惡道亦如是經劫猶得報
 若人欲得樂應畏于惡道怖畏救惡道則能得安樂
 如是法中若天若人若沙門婆羅門及餘善人若畏
 惡道于少不善尋卽悔過心不隨喜亦不思惟心念
 地獄餓鬼畜生怖畏苦果念已畏于三不善道捨十
 惡業止而不作不教他作亦不隨喜不近如是惡業

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

之人修行善業捨一切惡行淨無垢捨離放逸止一切惡于不善法流轉有中而得解脫于一切法得解脫已解脫諸過則能安隱度有彼岸是故應當常畏惡道當如是學一切天人若愛此法能至涅槃復次彼佛世尊說離放逸能至涅槃利益安樂一切天人我于先世人中得聞億念不忘我今當爲諸天衆說云何名爲第三忍法如是忍者第一善法第一清淨佛所讚歎忍有二種一者法忍一者生忍云何法忍緣法道行思惟白法忍堅固法思惟善道勝故能忍故名爲忍譬如大地忍諸世間山河園林無量種類

忍之不疲一切法忍亦復如是能到涅槃一切法忍堅固最勝曰淨善法涅槃道攝故名法忍如是之人堅固世間忍故能至涅槃復次第二忍所謂若沙門槃羅門若復餘人欲起瞋恚忍令不起知瞋過故作是思惟若起瞋恚自燒其身其心噤毒顏色變異他人所棄皆悉驚避衆人不愛輕毀鄙賤身壞命終墮于地獄以瞋恚故無惡不作是故智者捨瞋如火知瞋過故能自利益爲欲自利益他慚當行忍譬如今大火焚燒屋宅有勇健者以水滅之智慧之人忍滅瞋恚亦復如是能忍之人第一善心能捨瞋恚眾

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

人所愛衆人樂見人所信受顏色清淨其心宗靜心不躁動善淨淡心離身口過離心熱惱離惡道畏離于怨憎離惡名稱離于憂惱離怨家畏離于惡人惡口罵詈離于悔畏離惡聲畏離無利畏離于苦畏離于慢畏若人能離如是之畏一切功德皆悉具足名稱昔聞得現在未來二世之樂衆人視之猶如父母是忍辱人衆人親近是故瞋怒猶如毒蛇如刀如火以忍滅之能令皆盡能忍瞋恚是名爲忍若有善人欲修行善應作是念忍者如寶應善護之如是忍者能破瞋恚正法忍光猶如炬火能滅瞋闇如盲者眼

貧正法者之財賄除表見之貧窮猶如父母利益其子瞋恚沒溺忍爲大船墮惡道者忍爲救拔忍爲大水滅地獄火忍力能斷餓鬼慳嫉飢渴之惱若墮畜生互相殘害忍力則能施其身命應樂行忍常習不捨若畏惡道當勤精進思惟忍力爾時孔雀王菩薩以偈頌曰

此葉一二行有關說未正

若人忍莊嚴諸莊嚴中勝財物可劫盜忍則不可失若人修行忍一切衆所愛後時得安隱忍爲第一戒若人修行忍捨一切瞋恚現在及未來常得安隱處忍辱戒智慧如是三種財此財最第一非珍寶能譬

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

經

正法念處經卷六十一

卷六十一

若人修行忍。一切應供養善人所讚歎是故應行忍。忍樂爲第一能除于瞋恚忍能滅瞋恚令其不復生。聞覆愚癡人忍爲勝光明如燈能除闇忍示于正道。若離正法財流轉于五道若有忍財物于世最豪富。瞋恚大曠野黑闇甚難度忍資糧具足能過無畱難。若迷正法路忍能爲正導怖畏惡道者忍力爲救護。常令衆生樂能滅于苦惱常得安隱樂永離諸怖畏。善人之所愛能生信功德和集善吉祥捨離不善法。示人正解脫能滅生死畏昇天之階陞滅除地獄火。餓鬼畜生眾忍爲能救護忍能滿功德令衆生樂滅。

欲得吉祥樂常修行忍辱

如是忍者名第一法以修行故現在未來常得安樂。身壞命終生于天上後得涅槃是故爲不放逸生天人中當修行忍復次第四善業能離放逸若沙門婆羅門及餘善人作何等善業所謂精進勤求善法與善相應道法精進正時相應時處宗靜修習世間出世間法相應宗靜非不相應若沙門婆羅門于世間出世間法初夜後夜知時止息知時知處及知方便如是則得安隱而住精進能破一切懈怠若沙門婆羅門爲破煩惱勤修精進既生精進于色聲香味觸

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

境界不起著心若得因緣持心令住正心精進二法爲伴攝心令離一切境界若不善力起精進遮之正念斷除一切法中精進第一以此二法爲同伴故令諸善法堅固不壞而得果報正心精進功德力故終得涅槃若沙門婆羅門及餘善人知此功德當勤精進于世間中精進最勝若世間業以勤修故而得堅固以勤修故而得果報久住于世他不能壞若人精進于命終時其心清淨亦不怯弱心不散亂不恐不怖雖得衰惱不休不息常勤修習諸善增長怨不能壞無有人能說其過惡隨所作業具足成就如是世

間善業精進智者所讚何況出世正智精進而不勝妙是故一切法一切時一切智有智和合現前精進知時知處正見勤修發精進故得一切樂若行顛倒則得無利衰惱憂患若無智慧雖復勤苦不名精進余時孔雀王菩薩以偈頌曰

時處相應故令作業增長如法勤精進則得善果報雖法處作業捨離于正法作業不成就以離精進故如法勤精進智慧得涅槃如空中投戟卽生于天上若人勤作業而修行精進所作皆和合得廣大成就若干世間義若出世間義皆由精進力一切得成就

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

若離精進力及離于正法彼人無富樂如求月中垢
賢聖凡分道念爲能守護精進大力人能到第一道
精進得菩提精進故生天一切諸道果無非精進得
既知此功德精進調諸相意發勤精進無與精進等
如是孔雀王菩薩爲兜率陀天衆夜摩天衆說于本
生所持經法時諸天衆皆悉聽受離于放逸諸相調
伏一心諦聽時孔雀王知諸天心生大歡喜發勤精
進以清淨心爲之說法令集安隱宗滅涅槃利益安
樂一切諸天一切菩薩法利衆生

正法念處經卷第六十

校譌

第二葉六七行

六因緣闕一法未正

第九葉七行九行

二字作二疊

皆不成字今正

第十二葉第一行

撥作捺俗書今正

第十九葉第

斷聯失所因

一行不成句疑字今正

失頭

處竝失擡頭故此亦難正

第十九葉一行三行

前後凡復文

音釋

撥俗作筏

並非是

晉陵信士都文麟助刻于寒山化城菴



6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5

二
一
廿四